

增補文獻備考

二十四

|      |   |   |
|------|---|---|
| 內閣文庫 |   |   |
| 元    | 大 | 漢 |
| 四    | 一 | 書 |
| 函    | 回 |   |
| 一    | 三 |   |
| 五    | 號 |   |
| 架    | 冊 | 類 |

|      |     |        |
|------|-----|--------|
| 內閣文庫 |     |        |
| 番號   | 漢   | 6143   |
| 冊數   | 51  | ( 25 ) |
| 函號   | 294 | 19     |





增補文獻備考卷之一百十六

兵考

衛兵

高麗

二軍 鷹揚軍一領龍虎軍二領

六衛 左右衛保勝十領精勇三領神虎衛保勝五領精勇二領興威

衛保勝七領精勇五領金吾衛精勇六領役領一領千牛衛常領一領

海領一領監門衛一領

諸衛每領護軍一中郎將二郎將五別將五散員五伍尉二十隊正



四十正軍訪丁人一千望軍丁人六百凡扈駕内外力役無不爲之  
別號諸班 神騎神步梗弓精弩石投大角鐵水剛弩跳盪射弓發火

凡十  
一班

五軍 中軍置兵陣都指諭都將校五兵都指諭將校都業師神騎都  
領及指諭左右梗弓都領及指諭左右精弩都領及指諭神步石投大  
角鐵水發火跳盪剛弩亦各置都領及指諭前後左右軍亦各置兵陣  
都指諭神騎神步精弩都領及指諭

趙浚曰府兵領於八衛八衛統於軍簿四十二都府之兵十有二萬  
而隊有正伍有尉以至上將以相統屬所以嚴禁衛禦外侮也遼金  
氏接壤兩界立晉帝而子之虎視天下求好於我而我太祖絕之虜

遼宋三帝威振四海而莫敢旁窺式至于今者以祖宗之軍政得其  
律令也

臣謹按鄭麟趾曰六衛三十八領若除麗史所稱四十二領中  
役領海領常領監門一領而只計保勝精勇則合於三十八之  
數趙浚曰八衛四十二都府並計穆宗時所置鷹揚龍虎二軍  
則其爲八衛無疑四十二都府云者又與四十二領之數相吻  
或曰領或曰都府者抑其時所通稱歟是未可詳

本朝

經國大典曰一國之兵盡以分屬於五衛每衛有五部每部有四統

補臣

謹按此條不載於  
大典兵典中可疑



義興衛爲中衛甲士一萬四千八百人補充隊屬焉

京中部開城府京畿楊州廣州水原長湍鎮管軍士屬中部江原道

江陵原州淮陽鎮管軍士屬左部忠清道公州洪州鎮管軍士屬右

部忠州清州鎮管軍士屬前部黃海道黃州海州鎮管軍士屬後部

龍驤衛爲左衛別侍衛一千五百人隊卒三千人屬焉

京東部慶尙道大邱鎮管軍士屬中部慶州鎮管軍士屬左部晉州

鎮管軍士屬右部金海鎮管軍士屬前部尙州安東鎮管軍士屬後

部

虎賁衛爲右衛族親衛親軍衛四十人

永安南  
北道人

彭排五千人屬焉

京西部平安道安州鎮管軍士屬中部義州龜城朔州鎮管軍士昌

大城昌洲方山麟山鎮軍士屬左部成川鎮管軍士屬右部寧邊江界

碧潼鎮管軍士碧團滿浦高山里渭原理山寧遠鎮軍士屬前部平

壤鎮管軍士屬後部

忠佐衛爲前衛忠義衛忠贊衛破敵衛二千五百人屬焉

京南部全羅道全州鎮管軍士屬中部順天鎮管軍士屬左部羅州

鎮管軍士屬右部長興濟州鎮管軍士屬前部南原鎮管軍士屬後

部

忠武衛爲後衛忠順衛正兵壯勇衛六百人屬焉

京北部永安道北青鎮管軍士屬中部甲山鎮管軍士三水惠山鎮

軍士屬左部穩城慶源慶興鎮管軍士柔遠美錢訓戎鎮軍士屬右



部鏡城富寧會寧鍾城鎮管軍士高嶺潼關鎮軍士屬前部永興安邊鎮管軍士屬後部

臣謹按大典有甲士別侍衛隊卒親軍衛彭排破敵衛壯勇衛之數而補充隊族親衛忠義衛忠贊衛忠順衛則初無定額至如正兵亦不舉其數只書其鍊才遞番而已其現於散記者三百八十而亦不敢為必信


五衛陣法分數篇曰大將有五衛衛有部共二十部有統共一百統

為戰一為駐兵小而一統人數雖不滿隊四統之名不可闕兵多而一統人數雖過隊旅四統之名不可加若欲使中衛之兵多於各衛中部之兵多於各部皆在一時將畧每衛各有遊軍五領大槩以正軍十分之三為遊軍

大將令衛將衛將令部將部將令統將統將令旅師旅師令隊正隊正

令伍長伍長令其卒

李端夏疏曰族親衛則宗姓袒免異姓總以上親王妃總以上親世子嬪朞親也忠義衛則功臣子孫也忠贊衛則原從功臣及子孫也忠順衛則異姓六寸以上親王妃外五寸以上親及東班六品西班四品以上曾經實職顯官文武科生進有蔭子孫婿弟姪也有蔭子孫之如有讀書而為儒者生進則肄於學校操弓而業武者亦屬於內禁羽林等衛其非文武者仍屬於忠贊忠順等衛其外彭排破敵壯勇別侍等衛不知何指也入番則為衛士不入番則徵布而但所徵視正軍輕歇以有蔭故也此外中人輩則皆屬於醫譯象學其次又屬於京外衙吏其餘億兆之民皆歸於騎步兵潛水軍樂生館夫工匠等役未有一人





無役而閑遊者其有才德登朝者則又各有職事而祿俸厚薄隨焉  
堂上官以上及侍從則雖遞實職亦付軍職俾不失其祿而軍職亦  
自有所屬之衛則當五衛不罷之時脫有變亂其各有所歸可知也  
如此然後可謂大均貴賤巨細咸得其所而國家治矣今欲修舉廢  
政則軍額不患不充國計不患不裕矣

補李灑曰五衛之制廢而名尚在其始分都爲五部中及東西南  
北也分域內爲五部中及左右前後也彼諸州各爲鎮管領其屬  
邑五衛之外以衛稱者亦多大抵用兵多多益善只是分數明也  
卑統於尊遠統於近中權制命方隅鈎連便成風后握奇之勢然  
有事之時中衛守內四衛捍外也既分八道道各有帥而江原忠

清黃海三道遠或至三四百里之外且西南關阨比內守尤急並  
屬中衛已是失策京城四部遠統四衛勢有所不及既有中部制  
命於外又何必若此繁複之爲哉唐之府兵千古長策寓兵於農  
古之制也然緩急或有所妨故漢之南北軍唐之長征兵已立養  
兵之法輦轂親軍亦不可忽也宜別立禁旅與近京土兵專守都  
城其餘四衛制閫居外或至嚆矢內向巡校受鋒於是各以其兵  
勤王顧何待節度稟命耶此制者必須號召至京國成陣圖呼吸  
轉動氣脉流通如八陣六花之勢然後方可得力今人皆言五衛  
當復抑或未然且五衛之外名目太繁綱條易紊越之君子軍雖  
若有理管仲士卿不可不念今並驅宗姓士族混歸鈐轄却是緩



於文而急於武也亦須別有處置

附 忠翊衛 原從長派 五代 忠壯衛 戰區及功臣孫 並支嫡限三代

經國大典土官職條曰西北驍尉依京中隊卒例仕滿加階去官

亦授土職○鎮西衛 平壤府 鎮邊衛 寧邊府 鎮浦衛 江界府 鎮江衛 義州府

鎮北衛 永興府 鎮封衛 鏡城府 懷遠衛 會寧慶源府 柔遠衛 鍾城穩城富寧慶興府

臣謹按五衛部隊之制略有成法而至於編伍簽籍之數則無

可稽趙憲曰正軍二十萬並戶率而計之不滿四十萬李暉光

曰中外騎步正兵十八萬零通計戶保無慮五十萬而亂後見

存僅六萬柳成龍曰壬辰前騎步兵甲士定虜別侍衛及各司

諸員奴婢皂隸樂生並其戶率合為二十四萬餘諸說牴牾靡

所指的今姑并存之以備後攷

軍門

訓練都監大將一中軍一別將二千摠二局別將三把摠六從事官六

員 蔭 二 哨官三十四 並牙兵 知穀官十旗牌官二十本廳軍官十五 射 試

料 付 別軍官十

別武士六十八勸武軍官五十局出身一百五十馬兵六哨步軍二

十六哨攔後別哨一哨 每哨三 旗九 隊 標下軍一千一百二十

京畿砲保二千八百十七餉保八百四十四黃海道砲保八千七百

十餉保一千六十三全羅道砲保八千七百七十三餉保二千一百

五十六慶尙道砲保七千四十餉保七百七十五忠清道砲保六千



六百七十二餉保一千八百六十七江原道砲保三千二百五十三  
餉保二百九十四

陞戶京畿二十五黃海道三十全羅道五十慶尙道三十忠清道四  
十江原道二十

補顯宗十年新設訓練別隊軍時都監軍兵有名無實徒費國廩人皆  
有尾大難掉之憂李端夏首陳其弊宋時烈請依御營軍制改設新軍  
而革罷訓練都監 上以問於李浣浣極言訓局之不可罷新軍之不  
可設許積柳赫然力贊新軍之易募 上決意行之於是名新軍曰訓  
鍊別隊其舊軍之逃散者亦皆充補

補肅宗八年以軍制變通事詢問備局諸臣兵曹判書金錫胄曰訓局  
元軍之減去者七百有奇則歲省料米六千七百八十餘石還于戶曹  
可無三千糧不足之患歲省衣布一百二十七同今爲本局羨布可代  
戶曹中甸賞格之費精抄保還屬兵曹者五千八百七十餘名所捧布  
可二百三十五同亦足補用於經費此等小效可以立見實有愈於全  
不變通矣或言訓局之卒何不又減千數云而臣校量前後廂隊之用  
及內外直宿之役若復更減於五千之數則實難成樣且臣以長征不  
可猝變者蓋更番之制例以兩朔爲限一年之間當立六番每番之軍  
當滿五千五六三十合爲三萬而三萬戶首之保又當爲九萬三與九  
合都數爲十二萬矣以卽今閑丁之難得從何搜出十二萬之數乎砲  
手之類生長京輦人物伶俐裝束鮮明常時使用有勝於外方之軍臣



以為訓局元軍終不可盡罷也 上遍問諸臣或言可或言不可命從

錫胄議

御營廳大將一中軍一別將一千總五別後部千總大典通編永宗僉使兼騎

士將三把總二十五十自辟守令兼十權減從事官二哨官一百二十五八十四權減

教鍊官十三旗牌官十別軍官十本廳軍官三十八別抄軍官五十二

續勸武軍官五十

別武士三十騎士一百五十標下軍七百八十三別破陣一百六十

守門軍四十輜重軍五十各一馬步軍每番五哨在各道番遞

京畿正軍上番十一哨九十二丁資保官保別破陣保共四千五百八

十九各道各保下亦做此忠清道正軍上番三十五哨四十六丁各保共一萬六

千六百四十三全羅道正軍上番二十九哨各保共一萬三千八百三

十七慶尙道正軍上番三十七哨六十五丁各保及罷防保共二萬二

千二百二十江原道正軍上番七哨六十四丁各保共三千一百二十

五黃海道正軍上番十三哨各保及騎士保共一萬一千五百八

李敬輿曰周世宗嘗曰農夫百不能養戰士一臣愚以為大蒐諸

道束伍合訓局御營通為十萬之數使無幼穉並籍之患若非武

力絕倫洞射命中者皆為火手且於出身武學亦擇精勇者作為

一隊則兵既務精不患不强矣

補仁祖十七年御營廳啓請本廳軍以一千一百餘人為一番間三

年一上番以為定例 上可之



臣謹按 仁祖甲子始置御營使 孝宗壬辰始設軍營

肅宗丙戌改以一營五部之制遂與都監並稱兩局

禁衛營大將一中軍一別將一千總五騎士將四把總二十五十二自

兼八權減從事官二哨官一百二十五八十四權減教鍊官十五旗牌官十二別

軍官十

別武士三十勸武軍官五十騎士一百五十別騎衛三十二標下軍

一千一百七十七別破陣一百六十守門軍二十四輜重軍五十七

各下馬一步軍每番五哨在各道番遞

京畿正軍上番十四哨八十七丁各保共四千七百九十八忠清道正

軍上番二十六哨二丁各保共一萬二千七百七十七全羅道正軍上番

二十六哨十六丁各保共一萬七千一百四十六慶尙道正軍上番三

十一哨三十七丁各保及罷防保一萬八千三十九江原道正軍上番

十一哨五十六丁各保共四千五百六十五黃海道正軍上番二十哨

一百八丁各保及騎士保共一萬七千四百五十三

附軍器寺別破陣二百初四百祖庚午減半英各定二保南九萬曰自古有

國者皆以厲民而養兵我國則以逸民而困兵無論古制只以今

日南北言之倭人督使農民悉斂其穀以養其兵清人選入披甲

則廩給甚厚九族賀慶此兵卒所以精強也我國則疲辱傭丐不

免軍役今不能一變舊制使民樂充於編伍則必無得精之理而

京外軍兵惟訓局以廩厚之故稍勝御禁兩營以上番給糧且免



煙役之故次於訓局

英祖三十年別置大將如御營廳例兵判依舊制只總五營 傳曰  
續圖說五營之制卽前圖說五衛之制也勿論兼察勾管該營耗財宜  
復舊制依壬戌以前例兵判總五營爲大中軍只領龍虎營禁衛大將  
一依御營廳例舉行而節目備局啓下後依此舉行而務從簡略  
守禦廳大將一中軍一左右部別將二千總一把總三哨官八軍官三  
教鍊官七 後出鎮廣州則當屬  
畿輔兵而不必疊錄

南漢守城將一

大典通編廣  
州府尹例兼

留營別將一哨官五教鍊官十旗牌官

六十軍官四十三勸武軍官五十移屬軍官二百五十付料軍官二

十七守堞軍官一千九百五十三

輪回  
參操

親牙兵十五哨

在各邑屯  
輪回參操

訓

御軍五哨

良私並定  
輪回參操

把下軍一百六

在各  
屯

攔後馬兵一哨

良私  
並定

伏路

軍一百五十

在各邑  
輪回參操

別破陣三百八十五局別破陣一千八百七

十

在各邑  
輪回參操

標下軍一千三百二十都摠攝一

僧  
將

僧軍三百五十六

牙兵十二哨

在湖西各  
邑納米

牙兵四百

在長淵  
納鐵

水鐵牙兵二百

在各邑  
納錢

軍

需保二千

在京畿  
江原道

前營將

廣州府  
尹兼

屬邑利川

府

龍仁

縣

三田渡

別  
將

束伍二十五哨標

下軍三百三十五津軍官二百五十津軍二哨

中營將

楊州牧  
使兼

屬邑楊根

郡

加平

郡

抱川

縣

永平

縣

砥平

縣

束伍

二十五哨標下軍三百三十五

後營將

竹山府  
使兼

屬邑驪州

牧

安城

郡

陰竹

縣

陽智

縣

陽城

縣

振威



東伍二十五哨標下軍三百三十五

左別將 馬兵三哨牙兵十六哨標下軍一百八

右別將 馬兵三哨牙兵十六哨標下軍一百八

肅宗九年領府事宋時烈啓曰臣來時宿廣州地百姓呼訴甚懇以爲守禦使及府尹各管軍兵財賦互相侵刻不堪其苦云不可不罷閱鼎重金壽興等亦皆言既置守禦使又置府尹事權相分守禦使似當罷兵判南九萬以爲必以地望當爲守禦使者爲留守則事權歸一矣上令更詢他大臣而處之至是領相金壽恒白曰守禦廳自仁祖朝設立其來已久上以此持難不欲罷而到今本廳與朔設之初不同不必膠守而且此非全然革罷也只欲罷京廳而以廣州爲留守又以

備局堂上一員主管如江都事則守禦使自在而凡事尤着實矣知中樞李尙眞亦言其當罷上從之壽恒請依江都例置經歷一員時烈又請以守禦使呂聖齊爲留守並從之

摠戎廳大將一中軍一千摠二把摠二哨官十教鍊官十五軍官十四監官二漢北門部將一在家軍官三十領

壯抄十三哨牙兵十三哨在各邑屯別破陣一百標下軍八百五十二軍

需保六千一十在各屯良私並入

前營將南陽府使兼屬邑安山郡衿川縣果川縣陽川縣馬兵二哨束

伍二十哨標下軍五百五十一輜重軍五十

左營將水原府使兼屬禿城別將馬兵六哨束伍三十哨募入步軍三哨



標下軍七百六輜重軍二百

中營將 北漢管城將

把總一哨官六教鍊官四旗牌官五守堞軍官二

百軍器監官一所任軍官三付料軍官二十城門部將三牙兵五哨

別破陣二百標下軍一百三十七都摠攝 僧將 一僧軍三百五十一

右營將 坡州牧使兼

屬邑高陽 郡

交河 郡

積城 縣

臨津 別將

長山 別將

馬兵

二哨束伍十六哨牙兵四哨守堞軍官四十四標下軍五百三十七

津軍六十二

各給二保

吹鐵牙兵七十七

散在海西

後營將

長湍府使兼

屬邑朔寧 郡

麻田 郡

漣川 縣

馬兵二哨束伍十二

哨標下軍四百七十八輜重軍五十

柳馨遠曰今京畿不別置兵使亦是古制漢時郡太守謂之郡將

亦掌兵之任而三輔士卒則不屬郡守直屬於北軍蓋其事理如此矣

李植曰邦畿百里之內既有摠戎又有水原防禦南漢守禦江都

留營水軍統禦各操兵柄不相統屬此等設置本以增守衛固根

本也愚意畿內諸鎮併於摠戎則號令專一體統不紊矣

補龍虎營舊稱禁軍廳

英祖乙亥改稱龍虎營別將一

依前稱禁軍別將

將

七 內兼司僕將二內禁衛將三羽林衛將二

軍官十六教鍊官十四別付料軍官八十七番

禁軍七哨 內駕後禁軍五十抄選

臣謹按原本雖以訓御禁三局屬之軍門守摠兩營屬之畿

輔而均之為京中五軍營今依大典通編並以京軍門編錄且



龍虎營則儼成一軍門非直為禁中宿衛而止茲敢以守摠兩營及龍虎營編之於三局之下庸備軍門之制

顯宗甲寅各衙門軍官定額別單○訓練都監軍官一百五十員依前例皆以前啣及出身帶率而其中閑良則只存三額以為勇力超衆者入屬之地○御營廳軍官以五百定額而出身之外其中閑良則只以一百五十人定額○守禦廳軍官以二百定額而出身之外其中閑良則只以一百人定額南漢山城守堞軍官勿論出身與閑良以一千人定額○摠戎廳軍官以二百定額而出身之外其中閑良則只以一百人定額○扈衛廳軍官兩廳各以五百定額合為一千而出身之外其中閑良則各以二百五十人定額○各廳軍官

朝官則隨其所帶多少勿拘於定額之數

續壯勇營提調一

正卿

兵房一

已行將任

善騎別將一

已行亞將

把摠三

已行閫帥至防禦使

善騎將二

已行邊地

郎廳一

已行字收

哨官十五

內別付料二

監官四知穀官十四騎

牌官十三

壯勇衛一百牌將六付料武士十未付料武士七十七各差備六標

下軍五百五

左前哨一百二十三中哨一百二十三後哨一百二十三測候軍二

十七輜重軍四十工匠牙兵十九壯哨軍五十吏士並五十五

右前哨

楊州

一百二十七左哨

高陽

一百二十七中哨

楊根加平

一百二十七

右哨

坡州

一百二十七後哨

砥平

一百二十七



續憲宗十一年命摠戎廳使之分番宿衛禁中改稱摠衛營本廳元無京軍只有七色軍五百八十九名矣至是以訓局馬兵一哨別隊一哨各一百十九名及步軍中左右部中司各三哨每哨一百二十三名合七百三十八名兩司標下軍六十二名並移付本營

續更張後軍額

臣謹按今上甲午更張以後隊號之變革軍額之增減不止一二今只據光武甲辰現存編制者錄之

侍衛第一聯隊本部聯隊長一人副官一人武器主管一人旗官一人正校一人副校一人叅校一人第一大隊大隊長一人副官一人餉官一人中隊長五人小隊長二十人正校六人副校二十五人叅校四十

八人兵卒九百人曲號隊副校一人曲號手十人鼓手十人

第二大隊大隊長以下與第一大隊同

第三大隊大隊長以下與第一大隊同

騎兵隊大隊長一人副官一人餉官一人中隊長四人小隊長十六人正校五人副校二十二人叅校四十五人兵卒三百二十八人砲兵隊大隊長一人副官一人餉官一人軍醫一人中隊長三人小隊長九人正校三人副校十四人叅校二十人兵卒二百七十二人軍樂隊隊長二人正校二人副校二人叅校四人兵卒四十五人親衛第一聯隊本部聯隊長以下與侍衛第一聯隊本部同

第一大隊



第二大隊

第三大隊大隊長以下並與侍衛大隊同

工兵隊中隊長一人小隊長三人軍醫一人正校一人副校七人參

校六人兵卒一百五十七人

輜重兵隊中隊長一人小隊長三人正校一人副校五人參校五人

兵卒一百八十三人

憲兵司令部司令官一人副官一人餉官一人正校一人副校一人參

校二人 大隊長一人副官一人餉官一人軍醫一人獸醫一人中隊

長五人小隊長十人正校六人副校二十一人參校二十二兵卒四

百人

鎮衛隊

見州郡兵

兵卒一百一十六

開道府保衛五十二人精兵一百四十八人一品三百九十八人  
承天宮保衛五十八人精兵一百六十八人一品三百三十三人  
江華道保衛一百九十九人精兵五百九十九人一品四百零五人  
長羅道保衛二百二十四人精兵三百四十三人一品四百三十八人  
增補文獻備考 卷一百一十六 兵考 十五







乎六衛非六衛外別有州縣軍也然無可考

本朝

江華府鎮撫使一中軍一千摠四把摠十哨官六十三知穀官十旗牌官五十一各色軍官八百七十四教師一百六十二人

壯旅十八哨義旅十八哨武學十二哨束伍十二哨牙兵一哨別破陣一百六十七標下軍四千四百六十六墩軍三哨瞭望軍三十

屬鎮堡月串使 兼草芝使 兼濟物戶 萬龍津戶 萬德津戶 萬寅火堡戶 萬廣城將 別船

頭將 別長串將 別井浦將 別鐵串將 別昇天將 別文殊將 別軍官三百三十五士

兵八哨五十一丁

前營將使 兼富平府屬邑仁川府束伍十哨六十三丁標下軍三百七

十六

左營將使 兼通津府屬邑金浦郡束伍九哨六十五丁標下軍七百十

六

右營將使 兼豐德府束伍五哨標下軍五百二十二伺候軍十五

後營將使 兼延安府屬邑白川郡武學六哨束伍八哨標下軍五百三

十

金壽興曰江華一島惟以天塹為固防守實難脫有事變只以本府軍卒勢有所不及然前今之所分屬者畿邑數日程之外如海西之延白湖西之內浦其何能越海跨江入守信地徐必遠為留守時陳稟朝家島中水軍以下諸般丁額並屬本府而男十五歲



以上盡充於編伍其數止於四千餘緊要諸處不可不分守而軍丁之不敷如此矣

李浣論江都形勢曰江都四面古則沮洳敵至不能登岸今乃沙土填塞便成剛燥地方六十餘里無非受敵之地有事則以各營十兵入守又於要害處築墩臺使本島兵民共守且安興爲門戶紫燕爲藩蔽亦宜有措置蓋江都右接兩西左控三南保障之重當爲第一

補仁祖七年陞喬桐縣爲府設水營兼行府使事與江都相爲犄角從金瑬之言也

補肅宗十年領議政金壽恒筵啓江都本府軍兵元數甚少都數必得一萬五千餘名可無不足之患畿邑中水原軍兵則有同宿衛之軍不可以分屬他處而南陽通津所屬軍兵及長湍坡州兩營中便近邑軍兵並令分屬江都而黃海道延安白川兩邑去江都至近忠清道海美營所屬各邑海路往來亦甚便近以此等處軍兵並爲割屬似當右議政南九萬曰旣使兼摠他邑他道之兵則宜有稱號且宜有兵符以曾前所稱鎮撫使兼帶兵符然後似可以節制矣從之

補英祖二十五年江華留守元景夏筵啓各道守令風高六朔則防軍少風和六朔則防軍多而本府以海口保障重地所謂壯義旅皆農民故春夏秋三節以其妨農不爲入防只冬三朔每朔二哨式入防而三年輪回一次矣至於春夏秋九朔無一卒待變疎虞甚矣脫有緩急將



何以備禦乎壯義旅入防則給料六斗不入防則收米二斗臣意罷三冬入防之法以其所收之米磨鍊料米而倣水營防軍法府內各保軍摠遊衣遊食不爲農業者擇其壯健通四時給料入防而軍數與米數相當定額有若唐時長征卒則庶可爲緩急之用矣從之

正祖二年命移統禦使於江華

先是統禦營不設於本府或於花梁或於喬桐百餘年來迄無定制至是以制置變通事差遣御史審察形止復令廟堂諸臣各陳可否領議政金尙喆曰江都爲晉陽可守之地異濡湏必戰之處喬桐置舟師江都不置舟師者當初制置豈無所以哉喬桐營樣雖疲殘有一城郭焉有舟師焉一如海西之有水營而今忽革罷何異去其一臂

乎雖以官制言之諸道水軍元無文宰管領之規此又掣碍之一端也左議政徐命善曰夫江都之可守不可戰誠是也而守之之道必須統領諸軍管轄列鎮然後始可以成保障之勢備捍禦之具賊不敢近而其守也固排布列置仍其舊貫而只以統禦使之名歸之於江都使之摠攬三道之舟師而喬桐則與永宗作水軍防禦爲江都之左右翼凡有緩急受節制於統禦使則軍制有統攝之效保障無疎虞之歎臣未見其不便也若夫文宰之不可領水軍武臣之不可爲居留自古任人惟觀才器之如何不必以文武爲拘也右議政鄭弘淳參贊金鍾秀大司成柳憲判尹金華鎮皆以爲三道統禦使之號使留守兼管一如各道監司兼兵馬之例而統轄舟師之權喬桐



仍置水使俾受統禦節制訓練都正李國賢禮曹判書徐浩修亦請移統禦使於江華別置防禦使於喬桐從之

臣謹按江華本以都護府使光海戊午陞府尹 仁祖丁卯

陞留守 肅宗戊午兼鎮撫使 正祖己亥兼三道統禦使己

酉罷統禦使號復歸喬桐

三年江華留守洪樂純以統禦營新設變通事條陳十五條其一喬桐所在船隻合爲十六而戰船一兵船一司候船各一移屬沁都其餘則依前留之於喬桐使臨急防禦也其二統禦營之只有戰兵船二隻雖似寡弱所屬五鎮舟艦將近四十隻舟師不患其寡其三戰艦旣移則船泊處以松亭移設也其四操場以龍津爲定也其五船上將卒略

加增刪二百四十九名充定松亭浦六十五名以府內所屬充定能格射砲手外皆有月料朔錢能格則減其身役射砲手亦設其施賞之策較藝付料以爲獎勵之地也其六能格射砲手名係浦人者蠲歲納錢但令係籍於能格案中每秋合操外乘潮魚採往來自如浦民或事弓矢或隸陸軍者逐月較藝施賞也其七吹鼓手及旗手四十餘人不必別立名色鎮撫統禦合爲一營彼此互用也其八旬管諸道防番錢爲四千九百八十兩耗租穀爲四百石而喬桐水軍防番錢及給糧錢合二千三百二十八兩仍寘喬桐餘在錢穀移屬統禦營以爲月料朔錢勸賞之資也其九鎮撫中軍兼統禦中軍也其十永宗罷其獨鎮之權而復屬統禦也其十一本島穀母論京人邑人出十石以上者徒五十



石以上者流各鎮將循私放過者其罪如出穀留守不能覺察者亦坐  
島中常留數三萬斛以足兵食也其十二湖南大同分留一萬石於甲  
津倉明歲三四月使貢人外受以為浦民聊生之業也其十三草芝破  
兼牧添造鎮舍使僉使來留收合鎮卒專意戰具也其十四壯義兩隊  
中擇好身手多膂力者各三百人以戰笠狹袖試射砲武學中亦別抄  
三百人許令較試赴賞也其十五沁都修城為難支之弊亟罷其役自  
廣城至草芝二十餘里築以泥土務使完固上設女牆沿江列墩之間  
別築譙樓也並從之

續今 上五年以沁都新經洋擾新設別驍士別武士等八百餘名鍊  
習武藝從鎮撫使李章濂言也

續八年 教曰沁都之增兵固壘此是禦洋之道也凡於軍務節制一  
依訓練都監例又命孫石項隘口設砲防守各鎮及通津德浦亦以鎮  
撫營原額軍添付並皆設砲

續十年 鎮撫營加設新抄槍手三百名名曰親衛士從鎮撫使金善弼  
言也

續三十年 設海沿摠制營于南陽置使鎮之仍兼江華留守鎮撫使明  
年復罷之

開城府管理使一中軍一別將二千摠三百摠四把摠六哨官三十二  
教鍊官八旗牌官三十六堂上軍官五十軍官二百五十攔後軍官十

七



左右騎士四番三正九領牙兵三十二哨別破陣一百八十六標下軍一

千四百六十九輜重軍六十四

屬鎮礪峴使大興山城軍中軍官二百守堞軍官四百牙兵四哨別

破陣一百十九標下軍二百十六城機軍三十八

申浣曰松都以舊都為一大都會況大興有羊腸峭函之險青石

有馬陵井陘之阨若以二萬兵為一大鎮使為輔車之勢則敵必

不敢窺左足而可以坐制其死命矣

柳成龍論畿輔制置曰京畿分三道揚州抱川積城永平加平等

軍屬一將遮蔽東方高陽交河等軍屬一將遮蔽西方廣州果川

水原等軍屬一將遮蔽南方迭為犄角敵少則分兵設伏敵多則

合兵攻勦仍使江原道軍與東合江華軍與西合忠清全羅道軍

與南合引前推後相機乘便齊心一力四方雲合則可矣

仁祖朝李時白為水原府使以為數千兵馬散處各村脫有緩急

未易收聚乃造十丈旗竿分立高阜約諸軍有急懸竿以方色旗三

放子號砲見旗聞砲遞相報赴母或愆期及丁卯變聞報即躬擐甲

胄坐正門懸旗發砲日纔午諸軍皆如期而至領到銅雀津天未曙

矣 上引見曰何神速也

顯宗七年命水原軍兵以馬兵十哨步兵三十哨永為定額無得加

減初水原軍兵逐年增加至於六千餘人府使俞瑒請減額故有是

命



續正祖十七年命水原府使陞爲留守兼壯勇外使又命壯勇營兵房爲壯勇使扈衛大將合廳而屬之戊午附近五邑軍兵合屬本營

軍額今不

英祖四十年領議政洪鳳漢劄曰長山雖是背江要害之處而地勢偏隘難容重鎮至於長湍則移設防營者未知當時廟議之何居而到今論之青石之險礪峴之隘管理使自當擁兵遮截無藉於野地稍遠之長湍苟使青礪兩處不能防遏則一分備禦之道在於臨長之據險方其時也長湍已被蹂躪而在於賊後矣其何能先於賊而飛渡合聲勢於兩鎮乎審如是則所謂兩鎮旣無聽令之所又失應敵之機將使長江天塹如入無人之境者又如丙丁之爲也且松都旣設管理營之

後則長湍已不足以輕重況今廟謨歸重於兩鎮彼長湍之徒帶虛號尤知其無所益矣至若坡州沿江一帶岡巒周遭雖不築城已有可恃之形便且其邑治之鎮山卽高麗時鳳鳴山城也地勢陡絕四無窺峯此所以故相臣柳成龍請其修繕仍作京後防營以爲扼吭之大計而都元帥權慄及巡邊使李薈收拾殘軍保其孤城能使豕突之倭賊不復憑凌終成明將犄角之勢者也假使無臨津長山之爲其藩蔽惟此一片邑城亦足恃險而禦敵防禦使之本置此州良以此也矧此兩鎮旣設綢繆政急其所託重捨本州何求哉今不必別有措置只爲還移舊營於坡州仍兼守城將以兩鎮別將爲守城兩別將平時則兩鎮管屬於本州有事則本倅進守於兩鎮仍爲召集江以東列邑之軍以爲



羅絡環守之圖則在我衣衲之備可謂得宜而我 聖上居安慮危之宏謨神畧其將永賴於方來矣雖然防禦使之欲爲還移於坡州者不過循舊制守兩鎮之長策江北諸邑之並屬坡州恐有鞭不及腹之慮畿右八邑分而爲二高陽交河積城之軍屬於坡州朔寧麻田漣川之軍屬於長湍長湍則仍兼營將一如南陽之例依前以古浪爲臨急拒守之地坡州尊其履歷重其事權略倣水原之規使摠營之西南管下各有防禦使與營將則方可以軍制益備關阨益鞏矣此非大端變通之事直是方便區處而已而今茲所陳專爲臨長兩鎮則本州山城便屬餘事而邑居咫尺舊築尙固雖不費力亦可修治此則付之本州從便拮据亦爲備不虞之一助矣 答曰依施作文武交差案問于大臣

備擬定式

續今 上二十年命仁川府防禦營復設於永宗鎮

續二十一年命畿沿水軍移屬海防衙門海西湖西水軍使之一體節制從議政府啓也

續七月楊州牧設砲

續二十四年 教曰春川卽畿沿要衝關東雄府也府使改以督鍊使凡係體制一依統制使

明年陞府使爲留守兼鎮禦使畿甸及關東之附近邑並使管攝一如四都之有屬邑



增補文獻備考卷之一百十七

增補文獻備考卷之一百十八

弘文館 纂輯 校正

東兵考<sup>+</sup>

州郡兵<sup>-</sup>

高麗

北界 西京精勇都領別將一左右府別將各二校尉十隊正二十行  
軍旗頭并九百七十保昌雜軍十九隊內行軍行首並九百三十一海  
軍一隊內行首一行軍四十九元定兩班軍閑良雜類都計九千五百  
七十二丁

安北府龜州宣州龍州靜州麟州義州朔州昌州雲州延州博州嘉



州郭州鐵州靈州猛州德州撫州順州渭州秦州成州殷州肅州寧

德成鎮威遠鎮定戎鎮寧朔鎮安義鎮清塞鎮平虜鎮寧遠鎮朝陽

鎮陽岳鎮樹德鎮安戎鎮通海縣永清縣咸從縣龍岡縣三和縣三

登縣○都領中郎將五鎮將四副將一中郎將二十九郎將一百七

十二別將三百四十校尉六百六十六隊正一千三百八十四抄軍

左右軍保昌諸隊中各有馬弩隊共三千四百六十一隊五十一人為一隊行軍精勇神

騎步班白丁共五萬五百五十三丁

東界安邊府都領一郎將二別將四校尉十二隊正二十七抄軍左

右軍各八隊寧塞軍三隊五丁工匠一梗

和州高州宜州文州長州定州德州溟州元興鎮寧仁鎮耀德鎮長

平鎮龍津鎮永興鎮靜遠鎮雲林鎮永豐縣隘守鎮瑞谷縣汶山縣

衛山縣翼谷縣孤山縣鶴浦縣霜陰縣鎮溟縣金壤縣高城縣杆城

翼令縣縣○輿地考三陟府蔚珍縣都領十四郎將十八校尉七

十三隊正四百二十八抄軍左右軍寧塞工匠沙工元銚川軍長投

化高州共四百七十二隊三十一丁

交州道 東州道 春州道 交州 保勝精勇一品共三千八百八十四

丁

楊廣道 廣州道 南京道 安南道 仁州道 水州道 忠州牧 原州道 清州

牧公州道 洪州道 嘉林道 保勝精勇一品共一萬二千三百三十

五丁

增補文獻備考 卷一百一十八 兵考 二



慶尙道 蔚州道 梁州道 金州道 密城道 尙州牧 安東大都護 京山府 晉

州牧 陝州道 巨濟道 固城道 南海道 保勝精勇一品共一萬二千

一百四十一丁

全羅道 全州牧 南原道 古阜道 臨陂道 羅州牧 靈光道 寶城道 昇平

道 進禮道 保勝精勇一品共一萬八百六十五丁

西海道 黃州道 谷州道 安西大都護 豐州道 甕津道 保勝精勇一品

共五千八百四丁

臣謹按恭愍王時西京置十軍曰左翼右翼前軍後軍精銳精  
毅忠毅忠誠新僉新成安州置八軍曰左勇右勇左猛右猛前  
勇後勇前猛後猛義州置四軍曰左精右精忠信義勇泥城置

四軍曰鎮平鎮江鎮靜鎮遠江界置四軍曰鎮邊鎮成鎮安鎮  
寧辛禡時增置安州二軍曰新勇新猛并前八軍而總爲十翼  
然所載者只是名號而已至於部曲丁額之數無得以攷焉

本朝

忠清道觀察使一中軍一在雙樹山城 別將二千摠三把摠六百摠三哨官

三十九知穀官四旗牌官一百二別軍官二百

守堞軍官一千各 別武士三百六十各 馬兵二哨各 束伍十九哨天安

親牙兵二十哨各 標下軍六百三十四

節度使一中軍一在燕山城 別將二把摠三哨官二十七知穀官六旗

牌官四十三別軍官四



守堞軍官二百五十馬兵七哨各親牙兵十哨各新選牙兵十二哨各

前營將州洪屬邑洪州牧舒川郡林川郡韓山郡保寧縣青陽縣定山

鴻山縣庇仁縣藍浦縣馬兵四哨保四百束伍三十哨標下軍

一百五十七

左營將監兼海美縣屬邑大興郡溫陽郡沔川郡瑞山郡泰安郡結城縣

禮山縣平澤縣牙山縣新昌縣德山縣唐津縣馬兵四哨保四百

束伍二十五哨標下軍二百八十六

中營將州清屬邑清州牧天安郡文義縣懷仁縣青山縣報恩縣黃礪

永同縣清安縣鎮川縣稷山縣木川縣馬兵七哨保七百束伍

二十八哨標下軍二百五十七

右營將州公屬邑公州牧沃川郡燕歧縣石城縣扶餘縣恩津縣連山

魯城縣鎮岑縣全義縣懷德縣馬兵五哨保五百束伍二十四

哨標下軍五百八十八

後營將州忠屬邑忠州牧清風府丹陽郡槐山郡堤川縣永春縣延豐

陰城縣馬兵六哨保六百束伍二十八哨標下軍二百二十八

柳成龍曰忠清道當與京畿連勢若修鎮管之法而於忠洪公清等州各置鎮率所屬軍兵以時鍊習而於天安溫陽設為中營內以衛護京畿外而控制四鎮則此實汪立信建閩之遺意麗太祖以天安在忠清道中央置都督府鍊兵其虜遠矣而地形之可據



又可見矣忠清道既修五營之制則又當推而行之兩南矣

補又曰都城以漢水為固然若忠州有失則賊兵從上流而下如屋上建瓶不可防守若忠州無故則賊雖來而當從下流其勢稍緩故忠州之重與京畿相等

續今上五年公忠道設民砲一千名從監司閱致庠啓也

續二十年罷忠清右道舟師及邑鎮搜討軍與水營攔後砲軍選營下居民壯健者一百人稱以別衛士隨時鍊習從監司南一祐請也

續二十五年置統禦營于清州 教曰統制使既管轄三南水軍而陸軍則一任汗漫疎虞莫甚且清州三南要衝之地兵使改以三道陸軍統禦使兼忠清兵使營制一依統制營例三十年罷統禦營置

總制營于南陽統禦營軍額仍屬清州兵營

全羅道觀察使一中軍一別將一千摠三把摠六哨官四十二知設官二旗牌官一百六十一別軍官二百

馬兵二哨保四百十四各邑牙兵三十五哨各邑標下軍六百八十三塘報軍

九十六隨率軍二百二十五各邑輜重軍三百八十各邑

節度使一中軍候千摠三把摠九哨官四十五知設官十七旗牌官

八十八軍官二百三十

牙兵六十六哨各邑標下軍一千二百隨率軍九十各邑需用軍七百各邑

前營將順天屬邑順天府長興府珍島郡樂安郡寶城郡康津縣興陽

同福縣光陽縣海南縣馬兵五哨保一千一百四十六束伍四十六哨保六



千三百八十二 標下軍一百八十八塘報軍一百八十四隨率軍八百九十

五

左營將 雲峯縣 監兼 屬邑南原 府 谷城 縣 長水 縣 昌平 縣 玉果 縣 求禮 縣

馬兵二哨 保四百三十六 東伍三十四哨 保四千六百五十六 標下軍二百八十七

塘報軍一百二十隨率軍四百九十二

中營將 全州 屬邑全州 府 金堤 郡 古阜 郡 鎮安 縣 任實 縣 金溝 縣 萬頃

扶安 縣 馬兵五哨 保一千一百一十二 東伍四十六哨 保五千七百五十七 標下軍

四百五十四塘報軍五十九隨率軍六百八十九

右營將 羅州 屬邑羅州 牧 光州 牧 綾州 牧 靈巖 郡 靈光 郡 和順 縣 南平

務安 縣 咸平 縣 茂長 縣 馬兵五哨 保一千一百五十五 東伍五十二哨 保六

千九百二十六 標下軍二百十塘報軍一百二十隨率軍八百六十五

後營將 礪山府 使兼 屬邑益山 郡 高山 縣 錦山 郡 珍山 郡 龍安 縣 咸悅 縣

臨陂 縣 沃溝 縣 龍潭 縣 馬兵四哨 保九百四十四 東伍三十四哨 保四千六百六

三十 標下軍三百十七塘報軍一百十七隨率軍六百二十九

濟州牧使 兼兵馬水軍節制使 中軍一別將二千摠三把摠六城將四哨官五十

二教鍊官十三旗牌官二百五十九將校四十五

軍官四百七待變軍官五百七十八訓導二十八武學八十定虜衛

八十甲士七十馬兵十哨 四哨在兩邑 牙兵四哨東伍三十八哨 五哨在兩邑

砲手八十弓矢人一百二十城丁軍八百八十標下軍一千一百八

十六差備軍五百八十四



屬邑鎮大靜縣 旋義縣 明月萬戶 朝天別將 別防別將 禾北別將 涯月別將 遮歸

別將 募瑟別將 水山別將 西歸別將 待變軍官一百七十四武學六十八馬

兵五哨束伍六哨防軍七哨城丁軍三十五哨砲手七十弓矢人一

百五十七標下軍三十隨率軍二百五十六把守軍三十五

續憲宗十三年三月右議政朴晦壽啓卽見濟州牧使李宜禎所報

則以爲本島接洋異域其所備虞尤當自別而馬隊十哨內本州六

哨大靜二哨旌義二哨束伍三十五哨內本州二十三哨大靜二哨

旌義五哨以若零星之兩邑各哨皆有管領防營則疎虞莫甚自今

劃付各該邑使之主管大靜束伍查其漏丁加設三哨把哨依例差

定昨秋漏丁查得爲七千三十六名就此一千三百七十一名充代

於兩邑十一哨劃付之數本州束伍加設二十哨則軍制成樣且島人砲保最是精技抄定十哨名以別牙兵砲手領將一人以前啣朝官中差定領率每於操鍊一體應點此外餘數待闕填充兩邑各哨春秋聚點自該邑設行馬兵都試來赴營中實爲方便云諸條措劃儘有意見請依此施行從之

山城 笠巖長城 屬邑長城府 泰仁縣 高敞縣 井邑縣 興德縣 束伍十

七哨隨率軍三百十二 金城淳昌 屬邑潭陽府 淳昌郡

束伍十一哨隨率軍三百十六並保一千五百九十六 赤裳茂朱府使

束伍四哨隨率軍四十四並保四百九十九 威鳳全州 束伍十五哨守堞

軍四哨別破陣二十八 蛟龍原南 束伍十二哨守堞軍三哨隨率



軍一百五十七

柳成龍曰南原順天皆巨鎮而其次全州羅州俱係必守之地全州聚軍團束而可與公州之勢相連南原置營操鍊而可與全州之勢相倚又曰欲全湖南其防守之策宜自嶺右而始若嶺右一失湖南無蔽障之地必於宜寧三嘉高靈丹城安陰等處有所制置然後可全湖南矣

顯宗十二年吳始壽筵啓臣於待罪南藩之日遍看道內三處山城則茂朱之赤裳眞所謂天作之地不待設堞路絕攀援但運輓藹糧其勢極難且其地處於深僻之中若非持久彌滿之賊必不取道於此至於長城之笠巖潭陽之金城皆當大路之衝可謂緩急得力

之地也笠巖則地勢糧餉器械軍卒皆勝於金城而金城則城堞一千八百餘所屬淳昌潭陽二邑三軍只是一千三百八十九名把守不足無以防禦昌平玉果在城底三十里之內糧餉則與潭陽一體糶糶於山城而軍額則遠屬於左營舍近取遠甚非得計此兩邑束伍移屬於此城則非但把守有餘亦可以朝令夕發調用便近矣如此則或以爲左營屬邑軍兵三千八百八十五名作爲三十哨團束教鍊已有年所今若除出近於破東補西云此言甚是而左營缺處添補之策臣亦思之矣如南原雲峯谷城長水求禮等左營屬邑中居在巡營牙兵及兵營新選等軍叅半充補則足當除出之數此猶不足則巡營匠人居在左營屬邑者亦多此亦可以充補矣請令廟



堂從長變通俾無城中積儲之葛糧器械為臨急資敵之弊 上曰  
言于兵曹稟旨舉行可也

國今上六年全羅監營設砲手二百人從監司徐相鼎啓也

增補文獻備考卷之一百十八

增補文獻備考卷之一百十八

增補文獻備考卷之一百十八

增補文獻備考卷之一百十八

增補文獻備考卷之一百十八

增補文獻備考卷之一百十八

增補文獻備考卷之一百十九

中興文獻備考卷之一百十九

兵考<sup>十一</sup>

州郡兵

慶尙道觀察使一中軍二別將五千摠三把摠七百摠六哨官四十六

知穀官四旗牌官一百四十一軍官八十二

作領軍官七百<sup>各</sup>別武士九百六十二<sup>保二百二</sup>馬兵十哨<sup>保二千</sup>

<sup>各</sup>親兵六哨牙兵三十一哨標下軍八百三十一<sup>各</sup>塘報軍三十輜

重軍三百三

左道節度使一中軍一<sup>候</sup>左右領別將二千摠一把摠四哨官二十四



知設官八旗牌官一百別軍官二百教師二十四

右領兼馬隊三哨各邑親兵七哨各邑主鎮軍三十四哨各邑把任保別

放射手二哨各邑別砲手三哨各邑防軍兼作隊十二哨各邑守城軍

五百四十八各邑差備軍五十標下軍三百十輜重軍一百四十

前營將東安府屬邑安東府屬邑寧海府屬邑青松府屬邑順興府屬邑醴泉郡屬邑豐基郡屬邑榮川

義城縣屬邑盈德縣屬邑龍宮縣屬邑禮安縣屬邑奉化縣屬邑眞寶縣屬邑英陽縣屬邑比安縣屬邑

別隊馬兵八哨保一千七百九十束伍五十一哨保六千七百三標下軍一百八十

塘報軍七十保七十隨率軍七百七十

中營將大丘府屬邑大丘府屬邑密陽府屬邑仁同府屬邑清道郡屬邑慶山縣屬邑靈山縣屬邑玄風

昌寧縣屬邑慈仁縣屬邑馬兵十哨保一千九百十束伍四十哨保四千八百二十標下

軍二百五十二保二百五十二塘報軍三十三保三十三隨率軍六百五十七保六十七

百五十七

後營將慶州屬邑慶州府屬邑蔚山府屬邑興海郡屬邑永川郡屬邑清河縣屬邑迎日縣屬邑長鬐

彥陽縣屬邑馬兵九哨保一千三百七十九束伍三十八哨保四千五百五十七標下軍

四百四保四百四塘報軍七十三保七十三隨率軍四百八十七保四百八十七

東萊守城將府屬邑屬邑梁山郡屬邑機張縣屬邑馬兵三哨保三百六束伍十一

哨保一千三百七十五別武士二哨標下軍一百四十三保一百四十三隨率軍二百

保二百僧軍三哨

右道節度使一中軍侯別將一千摠二把摠四哨官三十一知設官

三十二旗牌官三十八別軍官二補臣謹按左兵營則別軍官二百而右兵營則恐無單二之理數交恐誤



守堞軍官九百三十八別武士四百二十五並各邑馬兵六哨保一千四百二

十八各邑親兵四哨牙兵五哨別砲手二哨並各邑主鎮軍十三哨把任保四百八

十三各邑標下軍三百

左營將州屬邑尙州牧金山郡開寧縣知禮縣咸昌縣馬兵四哨

保七百六十四東伍三十五哨保四百五十二標下軍三百三十四保三百三十四隨率軍

六百二十四保六百二十四

別中營將金海府使兼屬邑昌原府咸安郡漆原縣固城縣馬兵八哨

保一千六百二十東伍三十哨保三千三百五十二標下軍二百五十五保二百五十五隨率

軍四百六十七保四百六十七

右營將州屬邑晉州牧河東府咸陽郡居昌縣昆陽郡陝川郡草溪

郡泗川縣南海縣丹城縣山清縣安義縣宜寧縣三嘉縣馬兵五

哨保一千四百四十東伍六十四哨保八百四十八標下軍二百三保二百三隨率軍八百

十保八百十

山城 架山漆谷屬邑漆谷府義興縣新寧縣軍威縣河陽縣內外堞

作領軍官一千五百四十一城丁軍十八哨牙兵二十哨募民作隊

一哨七十三丁大砲手五十標下隨率軍並一百八十二塘報軍六

十輜重軍二十九僧軍二百九十四○金烏善山屬邑善山府金山郡

開寧縣知禮縣東伍二十五哨保二千九百十防軍九十八標下軍一百

五十隨率軍三百四○禿用星州屬邑星州牧高靈縣守堞軍官二

百守堞軍七哨牙兵三十九哨保四千六百七十三標下軍一百十隨率軍七



百七十三○鳥嶺

開慶

屬邑聞慶

縣

咸昌

縣

守堞軍官三百束伍九

哨

保一千  
五十四

標下軍二十隨率軍一百三十六僧軍三十○蠹石

晉州

守堞軍官五百六十三城丁軍十三哨隨率軍一百七十僧軍三十

鄭夢周曰嶺南金海等地倭衝也苟非設險無以為之也因山為

高壁立千仞雖使一夫當關萬夫不能開也使其民平居耕漁及

見烽燧收妻孥而入保則可以高枕而臥矣今欲以長槍勁弩與

敵從事於平原曠野而以設險守國為拙策於是每出而每北反

為敵所笑惜哉

柳成龍曰東萊等十餘邑之軍可得七八萬兵假使不幸而敗又

有大丘鎮管居中遮截而慶州晉州之軍為左右翼尙州鎮管又

以重兵堅守而忠清道忠州鎮管把截鳥嶺清州鎮管進守黃澗

永同秋風嶺之間以及畿甸一皆嚴兵整待則國家形勢當如重

關複壁

○肅宗十二年武臣崔橐啓曰鳥嶺竹嶺皆天險斗截所謂一夫當

關萬夫莫開之地也壬辰之變賊兵衝突如入無人之境而莫之沮

遏者蓋平日所以設施備禦之有所失而致然也聞慶乃鳥嶺嶺底

之邑而軍兵屬於尙州營將豐基乃竹嶺嶺底之邑而軍兵屬於安

東營將脫有事變則兩營將卒屬邑軍兵各赴所管兵使嶺底兩邑

皆成空虛之地南下大軍設有不利之患則天險之路亦無誰何之

卒壬辰之失守未必不由於此也臣意以為兩嶺形勢其險如此雖



以嶺底兩邑之軍足以把守要路若以兩邑軍兵勿屬於各其營別設獨鎮使聞慶之軍專守鳥嶺豐基之軍專守竹嶺以爲臨難備禦之策則可無失險之患矣

三十一年吏曹判書李寅燁啓曰鳥嶺之隘固天所以限南北而壬辰之亂終至失守識者至今恨之忠州在上流內援京都外應嶺南而鳥嶺諸路交會於邑底實爲要害之地宜設獨鎮專防嶺隘之議自前有之而昇平日久有未暇及忠州雖不設獨鎮自有鎮管諸邑別無節目使之領其屬邑專防嶺路而鳥嶺竹嶺之路之外亦有數三間路若令嶺底諸邑定其信地內外夾守則庶無疎失之慮矣至於秋風嶺則亦湖嶺間一大路也兵使之移住請爲之所蓋爲此

路之防而相去稍遠有難接應若使黃澗永同與金山夾守則亦似着實八良峙則旣築蛟龍山城又令雲峰專防此則稍有措處矣特進官金演曰鳥嶺則聞慶最爲關緊縣之南十五里有所謂兔鑽棧道路絕險其外又有狗灘山水險惡可合防守棧道之傍舊設山城基址尙存在昔設防禦敵可知矣鳥嶺有三路南有伊吾嶺北有大院嶺而其路皆由兔棧若令修築舊基以爲備禦之所則好矣而別設邊將有難接濟聞慶陞爲府使仍兼防禦使之專管宜當而聞慶縣主山之內亦有御留山城乃制敵之捷徑也修治城池遮絕嶺路以爲內外夾守之地其爲得力不比忠州矣壬辰年則嶺路專無守備其時聞慶若有防備則鳥嶺何至於失守乎且竹嶺之豐基秋風



嶺之金山八良時之咸陽皆以地方官別無防守之策俾作專制控扼之地則嶺隘似不虛疎矣

英祖二十年以東萊府為獨鎮守城將本府束伍牙兵別騎衛之屬兵營者及機張梁山軍屬焉

江原道觀察使一中軍一別將二千摠二把摠四哨官二十知設官八旗牌官三十五別軍官一千教師三十

別武士八百十五各邑馬兵六哨各邑中哨砲手一哨牙兵二十哨各邑標下軍三百十五防守軍二百三十六

防禦營鐵原府使兼軍官二百牙兵一哨束伍一哨防守軍二哨伊川標下軍二百三十六

左營將春川府使兼屬邑伊川府鐵原府淮陽府金化縣平康縣安峽縣

金城縣楊口縣狼川縣馬兵四哨束伍三十五哨標下軍一百六十六

中營將橫城縣監兼屬邑原州牧寧越府旌善郡平昌郡洪川縣麟蹄縣馬兵四哨束伍十六哨標下軍一百八十四

右營將三陟步屬邑鎮三陟府江陵府襄陽府平海郡杆城郡高城郡通川郡歙谷縣蔚珍縣越松戶萬馬兵二哨束伍二十二哨標下軍一

百四十五團束水軍四哨  
柳成龍曰關東壤地褊小山林險澁而軍丁亦甚些少然山峒之間射獵為生名以山尺者亦夥矣原州與湖西之忠州為犄角淮



陽與畿內之揚州為聲援江陵則合沿邑可備東海

仁祖十六年備局啓曰淮陽僻在一隅號令道內操鍊軍兵之事勢甚不便春川道里居中且與監營相近亦可為南漢聲勢之地春川府使兼以防禦使之號委以道內軍兵責其成效則庶可得力於緩急之際從之

顯宗六年備堂金佐明奏曰淮陽是鐵原關防而屬之南漢脫有事變遠離本鎮勢必未及今以淮陽別作一鎮統金城軍兵使之留防鐵嶺而鐵原距南漢近以鐵原兼營將屬之南漢便也從之

柳馨遠曰江原道不置兵使諸道或置兩兵使兩水使蓋皆參其地形事勢之宜也

黃海道觀察使一中軍一別將二千摠三別武士左右將二出身作領將二把摠九哨官五十一知設官八旗牌官五十

作領出身四百三十五邑各別武士五百邑各別抄馬兵六哨邑各牙兵四

十五哨邑各別砲手六哨邑各別破陣四十標下軍一千三百六隨率軍

六十六

節度使一中軍一候別將一千摠三把摠十一哨官五十四知設官八

旗牌官一百四十八教師六十軍官六百十

別武士五百邑各別隊馬兵四哨邑各隨營牌二十五哨邑各鎮軍作隊十

五哨邑各訓御別抄十哨邑各標下軍七百九十六塘報砲手一百二十

邑各



前營將 鳳山郡 守兼 屬邑鎮黃州 牧 東里 金使 武學十四哨束伍十三哨

牙兵三哨標下軍四百七十三

左營將 豐川府 使兼 屬邑長淵 府 殷栗 縣 長連 縣 文化 縣 松禾 縣 康翎 縣

武學七哨束伍十一哨標下軍四百十八

中營將 安岳郡 守兼 武學四哨束伍十一哨標下軍二百八十五

別中營將 蒜山僉 使兼 屬邑載寧 郡 信川 郡 武學七哨束伍十哨標下

軍三百七十七

右營將 谷山府 使兼 屬邑鎮遂安 郡 新溪 縣 兎山 縣 文城 僉 文山 高戶 位羅

高戶 軍官一百四十四武學三哨束伍十二哨牙兵十三哨標下軍

六百三十五

後營將 平山府 使兼 屬邑鎮海州 牧 金川 郡 瑞興 府 白峙 僉 善積 僉 所已

高戶 軍官五十四武學六哨束伍十哨牙兵十哨標下軍六百七十

七

山城 正方 黃州 守牒軍一百募軍二哨僧軍二十五○首陽 海州 部

將二百守牒軍五十募軍五十○九月 殷栗 部將五百守牒軍五十

募軍五十○太白 平山 部將一百守牒軍二百五十募軍二哨○大

峴 瑞興 部將二百守牒軍五十募軍五十○長壽 縣 部將三百守

牒軍五十募軍五十

梁誠之曰海西之延安海州沿邊之要害平山鳳山陸路之要害  
鳳山失守則無海西平山失守則無松都至如長淵與豐川康翎



與瓮津俱當併為一鎮者也

柳馨遠曰黃海道舊無兵使 祖宗朝嘗設而還罷 宣祖壬

辰亂後置之至今仍存論者謂不置兵使為是道小難供民不能

堪或謂西路咽喉不可不置如不置兵使則監營移於黃州似可

肅宗八年以道臣言命以蒜山黑橋新設兩鎮合為一鎮移置棘

城陞為僉使令黃州鳳山各捐田二百結以資之

今 上五年海西諸郡增設火砲軍一百人從監司曹錫興請也

松都大興山城節目○西路雖多重關複嶺之險道狹而傍多阻

阨青石洞為最真所謂要害之地開城留守若當寇警之時則領率

本府士民入處山城分部守堞伺賊聲息之緩急或遣管下之將或

親自領兵以為相機邀遮之地○蒜山等十一鎮設置於要衝者為

其各守嶺阨而亦與山城勢同唇齒各鎮雖非山城所屬若有事變

則隨其緩急這這報警以為相機應變之地

平安道觀察使一中軍一別將二千摠十八左右別武士將四把摠三

十五哨官一百八十六知設官四十旗牌官三十掌務官二十軍官五

左右別武士一千五百十七 左右馬兵十二哨 壯十部軍一百

哨 巡別抄軍十六哨 親兵五哨 標下軍一千四百二十一塘

報軍二哨

管城將 屬邑祥原 平壤 三登 江西 甌山 江東 守

堞軍五十哨北城軍二哨標下軍五百五十三



節度使一中軍一候千總十左別武士將二京別武士將二攔後士將  
六部將二十二把摠二十哨官一百知設官四旗牌官五十六別軍官  
二十一

左別武士三百八十六各京別武士五百五十二各攔後士二十四

哨各壯四部四十哨各甲士四哨各遺軍十二哨各隨營牌六十哨

各演別軍八十哨各別隊軍二哨各天水舊鎮軍二哨城丁軍二十

哨各標下軍五百八十一差備軍二百八十四

前營將肅川府屬邑永柔縣甌山縣順安縣壯武隊馬兵三哨精

抄束伍十三哨標下軍三百八十三塘報軍二十

左營將德川郡屬邑鎮慈山府寧遠郡价川郡孟山縣殷山縣寧城

使壯武隊馬兵三哨束伍十五哨標下軍二百九十塘報軍二十

中營將中和府屬邑鎮平壤府祥原郡城山別壯武隊馬兵五哨

精抄束伍十三哨標下軍一百七十二奴三手軍四十三募軍三百

五十四

右營將順川郡屬邑鎮成川府江東縣三登縣陽德縣兔城使龍淵

將壯武隊馬兵四哨精抄束伍九哨鎮軍五哨標下軍二百十八

奴三手軍三哨

後營將咸從府屬邑江西縣龍岡縣壯武隊馬兵二哨精抄束伍

十五哨標下軍四百十三

防禦營義州府屬鎮堡清城使麟山使青水戶方山戶玉江戶水口



萬戶楊下萬戶乾川權管別武士三百三十壯武隊馬兵二哨精抄束伍

二十二哨牙兵十哨別砲手二哨槍軍一哨作隊軍五哨標下軍四

百五十二

清南防禦營三和府別武士三百三十壯武隊馬兵五哨精抄束

伍二十一哨標下軍三百十一

清北防禦營宣川府別武士三百三十壯武隊馬兵二哨精抄束

伍十五哨標下軍一百七十六

左防禦營昌城府屬鎮堡昌洲僉使恃寨僉使甲巖權管雲頭里權管廟洞權管

於汀灘權管大吉號里權管別武士三百三十忠衛士七百壯武隊馬

兵五哨精抄束伍八哨作隊軍五哨甲士二十四標下軍二百三十

右防禦營江界府屬鎮堡滿浦僉使上土僉使神光僉使高山里僉使平南萬戶

楸坡萬戶從浦萬戶外叱怪萬戶伐登萬戶馬馬海權管○補與地考及別

武士三百三十壯武隊馬兵二哨精抄束伍十六哨攔後軍五哨標

下軍三百三十四作隊軍十哨

別前營將龍川府屬鎮彌串僉使壯武隊馬兵一哨精抄束伍七哨

標下軍二百三十六隨營牌二哨作隊軍三哨

別左營將龜城府屬邑鎮泰川縣安義僉使植松萬戶壯武隊馬兵二

哨精抄束伍十六哨隨營牌六哨自募別隊五哨奴三手軍一哨作

隊軍六哨標下軍五百三十四

別右營將嘉山郡屬邑鎮博川郡古城僉使壯武隊馬兵一哨精抄



增補文獻備考 卷一百一十九

東伍二十哨自募別隊六哨牙兵一哨作隊軍三哨標下軍四百四

十六

別後營將寧邊府屬邑鎮价川郡雲山郡熙川郡委曲僉使柔院僉使金

城別將壯武隊馬兵二哨精抄束伍三十哨演目布鉛軍四哨守堞

軍五哨火砲手一哨攔後士三哨作隊軍六哨標下軍一千六十六

獨鎮將定州牧鐵山府朔州府楚山府郭山郡碧潼郡渭原郡屬鎮

堡西林僉使屬天摩僉使仇寧萬戶幕嶺萬戶並車嶺僉使牛峴僉使阿耳僉使

山羊會萬戶並壬海別將屬碧團僉使林士別將大坡兒權管小坡兒權管廣

平權管楸仇非權管小吉號里權管並吾老梁萬戶直洞權管加乙軒洞權管並

原渭壯武隊馬兵十二哨精抄束伍一百二十五哨隨營牌九哨城

丁軍十一哨作隊軍三十八哨標下軍二千六

山城慈母慈山府使屬邑成川府永柔縣守堞軍三十哨標下軍

五百三十三塘報軍二哨遺軍二哨別破陣二哨○黃龍龍岡守堞

軍二十哨標下軍五百十三塘報軍一百二○劔山宜川守堞軍二

哨入防軍二哨○東林宜川都訓導九入防軍三哨○當峩昌城守

堞軍三哨作隊軍三十○白馬義州雉把二十城長四十堞長一百

四十旗牌官一百八十補城生四百四十一○鐵甕寧邊守堞軍十

一哨隨營牌五哨五十六丁○龍骨龍川守堞軍七哨○雲暗鐵山

守堞軍十五哨九十一丁○凌漢郭山守堞軍十哨三十四丁○保

山平壤軍官五十城丁軍三哨二十丁

增補文獻備考 卷一百一十九 兵考 十二



柳成龍壬辰論關西事宜曰士兵精勇倍於南道今之所恃者唯此而已

仁祖元年金時讓爲義州府尹言於備局曰我久竄邊塞備知邊上事情城門外卽敵境無斥堠烽火可報敵來敵以晝至則城門不及閉夜至則城上一矢不及發也激勵士卒登埤警夜乃聞變之事若當責於士卒則非唯人所不堪亦不能矣使我守安州則聞敵到義州之報而爲城守之備足以拒敵朝廷之命我欲守之也我知其不可守而強赴使國家敗亡之禍出於我則是負朝廷也吳允謙淡是其言遂得遞丁卯敵兵到義州由水門而入殺登埤士卒然後城中始覺城遂陷人始服時讓之先見

金尙憲曰關西設三大鎮使都元帥出鎮慈母山城副元帥出鎮鐵甕山城兵馬節度使鎮安州城三分關西屬於三鎮各選屬邑軍民之精銳武士之勇敢者撫養訓練若邊報至則黃海之兵救慈母咸吉南道之兵救安州北道之兵救鐵甕安州受敵則慈母鐵甕共救之鐵甕受敵則安州慈母亦如之又擇大臣之忠蓋有威望者駐節平壤統御三鎮則必大有益矣

金錫胄曰舊制以江界之滿浦爲左繼援將使之入援於寧邊鐵甕以昌城之昌洲爲右繼援將使之入援於郭山凌漢沿江上下數百里之地雖使之盛兵增戍猶難守禦今乃捐而棄之提單卒倍數險入腹裏五六日之程以爲二城援者此非計之得也滿浦



隣於建州碧潼昌洲之間卽與夔陽寬奠相對朔州則唐將曲承恩之所嘗駐龜城則高麗朴犀之所嘗守此皆百戰要害宜置重兵處也今革兩鎮繼援之號以滿浦爲江邊左營仍割江界束伍以添其兵而渭原理山兩邑及高山里以下諸鎮堡之在理山境以上者皆屬之以防上江以昌城府使爲江邊右營碧潼朔州兩邑及昌洲以下諸鎮堡之在碧潼境以下者皆屬之以防下江他鎮有急則各其營將亦以其兵往救爲宜

肅宗四年始置召募別將於平安道江界之平南屯雲山之委曲城洞兩屯陽德之車踰四峴兩屯義州之楊下龍川之彌串宣川之清江鐵山之長者等屯從監司金德遠之言也

十二年備局啓曰曾於金世翊爲平安兵使時以還罷左右營將沿邊各邑及滿浦皆作獨鎮事馳啓自本司覆啓詢問道臣則監司申翼相所見亦與相符故一依世翊所請施行之意定奪矣厥後監司柳尙運狀啓之意則以爲江邊邑鎮各守其城固宜而至江邊左右營將革罷一欵則沿江一帶郡邑皆在大嶺之外彼邊則與之隔江營門則相距絕遠今若罷其營將不相統屬則皆稱獨鎮無所稟令不但臨急掣肘常時兵政亦未免解弛左右營將則今姑仍存其餘邑鎮則觀其利害叅以殘盛或作獨鎮或屬隣鎮使之急則自守緩則協力似當云江邊邑鎮既令皆作獨鎮則束伍之制自當革罷無束伍而置營將似無所據而若以號令無主軍政踈虞爲慮則仍



存營將之名以假號令之權亦合便宜邑鎮之或作獨鎮或屬隣鎮並令本道叅量形勢裁定啓聞宜當以此覆啓分付於監兵使處矣姑未審啓待早晚審啓後完定從之

補景宗二年命改宣川水軍防營爲陸軍防營始罷清南北九營將

只存五營

前營宜川後營中和右營順川左營慈山中營肅川

皆兼討捕使定州龜城寧邊三

邑皆兼守城將從平安觀察使權慄之請也

補英祖二十二年備局啓曰兵曹判書金若魯前平安監司時曾有關防狀啓柔遠之移鎮於狄踰南從浦楸坡馬馬海三鎮中移其不緊一處於小草幕事古之緊處今爲歇處又安知不爲後之緊處而彼則既有他鎮此則全無防守亦爲許施而三鎮中不緊

處令監營摘奸審察後狀聞舉行天水之移鎮於棘城嶺底委曲之移鎮於嶺內稍近之地林土之移鎮嶺內事亦並依施而各鎮移設一時並舉則亦涉煩擾自監兵營商量分排先後次次撤移朔州之移邑夫朔州昌城之移邑自作嶺自前有此議而卽今邑治城子緊固撤去旣可惜捨江邊而入嶺底則目前潛越之奸弊亦無糾禁之路此爲難處令監兵營商度此等事勢更爲狀聞後處之宣川之移邑清江坪鐵山之移邑雲暗城下龍灣直路之廢良策車輦兩站直由龍川鐵山邑內事係是大舉可以徐議而宣川旣不移邑則清江鎮依前可責防守左峴而雲暗上大小鳳凰等諸路宜令永塞並左峴而一依禁養樹木棘隅海坂深壕重關事監兵營量宜助物力申



地補文獻備考 卷一百一十九  
飭舉行以爲與雲暗一體防守之地恃寨鎮還移緩項嶺上舊鎮基  
事楚山之設置城壘於大受梨洞置倉穀軍器以作退守之所事亦  
並許施從之

○正祖五年戶曹判書鄭尙淳啓臣自西藩遞來而本道馬軍殆過  
五千餘名過半無馬任時賃貫其中或有立馬之類而俱是駑駘難  
以馳突本道既有巡兵兩營及四防營左右別武士及甲士等三千  
名此爲有實之馬軍且習弓馬足爲緩急之用臣意則只今存此名  
色馬軍則盡爲革罷摠作步軍俾有實效恐合事宜從之

○純祖十三年命增寅關西壯中衛三哨從平安監司鄭晚錫請也  
十六年罷之設別親衛士

○今 上二十年命義州府募鄉武子弟一百五十人聚于白馬山  
城教以兵學算數射御步代之法

○二十二年命防營移設於慈山府

咸鏡道觀察使一中軍一別將六千摠三把摠十哨官六十二知穀官  
五旗牌官七十

咸興府屬中嶺將別赴戰嶺將別長津柵將別親騎衛一千各守堞軍官

二千二百二十二武學馬兵十一哨束伍五十哨親兵二哨砲手一  
哨標下軍八百四十二塘報軍一哨鎮軍作隊六哨

南兵使一中軍一庚別將九把摠四哨官十一知穀官四旗牌官一百  
十五



親騎衛一千各邑馬兵三十哨各邑束伍四哨各邑親兵六哨各邑標下軍六

百二十五

前營將洪原縣監兼屬邑北青府利原縣馬兵六哨束伍二十哨標下

軍四百四十三

右營將甲山府使兼屬鎮保惠山僉使雲寵萬戶鎮東萬戶同仁權管雙青權管黃土

管權馬兵二哨束伍九哨標下軍一百六十七鎮軍六哨

中營將永興府使兼屬邑定平府馬兵十二哨束伍十七哨標下軍六

百三十四

別中營將端川府使兼屬鎮梨洞萬戶別中司居山察訪馬兵八哨十九丁束

伍二十六哨標下軍五百三十一鎮軍一哨

右營將三水府使兼屬鎮保別害僉使茄乙坡知僉使仁遮外萬戶羅暖萬戶神方

仇非萬戶魚面萬戶小農權管舊茄乙坡知權管廟坡權管江口權管自作仇非權管

馬兵二哨束伍七哨標下軍一百四十九鎮軍十一哨

後營將德源府使兼屬邑安邊府文川郡高原郡馬兵五哨束伍十七

哨標下軍四百三十七

北兵使一中軍候別將六千總二把總四百總六哨官二十九知穀

官四旗牌官二百六十八行營鍾城別將五千總二把總四哨官二十

八知穀官四旗牌官八十六

親騎衛五百各邑馬兵九哨各邑束伍二十哨各邑標下軍六百九十八行

營親騎衛五百各邑馬兵八哨各邑束伍二十哨各邑城丁軍十五哨各邑標



增補文獻備考 卷一百一十九

下軍八百七十七

南前衛富寧府使屬鎮廢茂山萬戶馬兵二哨東伍三哨城丁軍十

八四哨標下軍一百七十五鎮軍一哨

左衛鏡城判官屬鎮堡魚游間僉使森森坡萬戶朱乙溫萬戶吾村權管寶化

馬兵三哨東伍七哨城丁軍二十二哨標下軍三百五十一鎮

軍四哨

中衛茂山府使屬鎮堡豐山萬戶梁永萬洞權管馬兵一哨東伍三哨

城丁軍十五哨標下軍一百三十二鎮軍三哨

右衛明川府使屬鎮在德萬戶馬兵二哨東伍八哨城丁軍十五哨

標下軍二百二十四

後衛兼防禦營吉州牧屬鎮城津僉使守西北僉使馬兵七哨東伍

十七哨城丁軍三十二哨攔後軍二十八標下軍五百五十八鎮軍

七哨僧軍二百八十

北前衛會寧府使屬鎮高嶺僉使甫乙下僉使古豐山萬戶馬兵一哨東

伍四哨城丁軍十八哨標下軍三百六十九鎮軍六哨守堞軍八哨

左衛鍾城府使屬鎮潼關僉使防垣萬戶馬兵二哨東伍六哨城丁軍

二十六哨標下軍三百四鎮軍五哨

中衛穩城府使屬鎮堡柔遠僉使美錢僉使永達萬戶黃柘坡權管馬兵二

哨東伍六哨城丁軍十七哨標下軍一百六十二鎮軍四哨

右衛慶源府使屬鎮堡訓戎僉使阿山萬戶安原權管乾原權管馬兵三哨

增補文獻備考

卷一百一十九

兵考

十八



東伍六哨城丁軍十三哨標下軍一百九十四鎮軍五哨

後衛慶興府使屬鎮堡造山萬戶撫夷萬戶阿吾地萬戶西水羅權管○羅修

馬兵一哨東伍六哨城丁軍十二哨標下軍三百七十五鎮軍

四哨

睿宗元年以咸吉道之利原端川移屬咸興鎮吉城明川移屬鏡

城鎮柳成龍曰六鎮防守之處沿江數百里民兵戍卒其數亦不下數

千以其見在之卒分爲三等壯健驍勇可以馳突者爲上無勇之

十軍次之老弱爲下而中下之軍專委於守城其驍健者別加精擇

授犀利甲兵分正隊伍使相統屬又明斥候廣間諜一有警報則

飛報潛通應期輒至如發機掩兔則鎮堡控制聲勢相聯而屹然

有難犯之形矣

崔嵬曰六鎮土兵殘寡益其防戍然募之京中徵之他道若欲其

人耐邊上寒苦熟山川夷險習知蕃情馳突之技與之相長則不

得與土兵比比之本道內地兵亦不侔矣臣之妄料以費於客兵

食者月給土兵且規給馬匹襖子戎械之屬使人人感奮自力爲

敢死之士則足以一當百矣

光海二年咸鏡監司郭再祐陳時弊疏曰北道士兵鮮少籍其私

奴盡以爲兵土兵之所以少者豈其盡病死而盡餓死也是必不能

支剝割之侵散而之四方也或拔而入於彼也私奴爲兵而內奴獨



免則是示民以私也王者無私其可私之乎臣愚以為私奴內奴雖盡括為兵而不能禁其咀啖則徒為貪暴肥己之資而不為國家禦敵之用矣必也嚴贓法重殺人明軍律然後紀綱立而軍民賴兵可強而敵可防也

肅宗元年以北伯南九萬言甲山鎮東權管移入於雲坂新設之堡陞為萬戶移置同仁堡於甘坪古雲龍兩堡之間又以魚面堡移置於厚州

北路五衛復設事目 六鎮處我極北與彼隔一衣帶水 祖宗朝時每有藩胡侵軼之患小入則驅掠人畜大入則攻圍城堡朝廷遂推行五衛之制使六邑之倅各自為衛將以守其地使六邑之治

各自為城壕以入其人民蓋以邊上事勢自與內地不同不如此則官不得保其民民不得保其父母妻子而遐絕空虛之區終難為我國之有故也常時則盡驅一境之民撤入城內造家安頓農節則亦依五衛之法自相統率出野耕作雖猝遇警急輒以此防禦此即蘇軾所稱河朔被邊諸州人戶帶弓而鋤佩劍而樵器用鞍馬常若寇至而親戚所聚墳墓所在人自為戰敵甚畏之者也作農收穀之後還復入保於城內在家則藩籬既固防守自全而敵至無所得又無所食不數日而旋去譬如噬狗猶然搏人而人若急先投身於柴接塞其局而狗自去者此乃往日六鎮之已事也倭亂以後故相臣柳成龍始用束伍之法以鍊諸道軍兵而亦知六鎮形便異於他道獨



增補文獻備考 卷一百一十九  
不變五衛之制矣其後金汝水爲北道兵使請設營將凡六鎮及各  
鎮堡軍兵出武之類並皆編爲束伍屬之營將而爲府使僉萬戶者  
既失所領踴踴如客六鎮之勢駸駸至於散落危弱而其民凜然皆  
懷不自保之憂又何望其團鍊節制爲必勝之兵哉使今邊塵只驚  
於豆滿以北則兵使統率全軍猶可一鬪若或有徵赴遠兵之舉則  
是將舉六鎮捐而棄之甚非爲邊計也數年前朝家有慮乎此取輸  
城驛卒一千三百餘名使察訪楊遇漢盡心選鍊兵營之標牌吏奴  
之屬其數亦至數千更令柳斐然抄編隊伍合此以計之董董爲六  
部六司之模樣矣第未知六鎮軍兵之前屬束伍者爲幾名而以即  
今驛卒營屬代六鎮之束伍者或足或不足又幾名也土奴之稱雇

工之設或是前時聚落之遺制亦似新附撫循之厚意則到今奪削  
而分裂之此恐涉於苛剋而易生怨恨若於兵使新設一營之額有  
所不足者選於此而充之有老弱死亡者亦選於此而代之如此則  
雖以矜憫之性必不敢怒而其中健募又未始不爲國家之用也今  
計必須盡復六鎮之舊制使以其兵各守其城土地人民庶相依保  
而時有古今敵有大小兵家臨戰亦豈無因敵變化之道乎前衛受  
敵則左右兩衛亦可出兵而救也中衛受敵則前後四衛皆可救也  
至於後衛右衛亦莫不然此則常山率然之蛇勢也兵使則統率一  
營相機進止或處於本營或赴於行營可援則援可擊則擊可以並  
勢而合赴則又各出六鎮之兵以助一臂之力焉雖罷束伍之制此



增補文獻備考 卷一百一十九  
恐大有益於保邊制敵之要道也至於僉萬鎮堡彼皆有山障嶺成  
素處之所而所領多者不過數十名小則七八名此可以報警行謀  
不可以作戰禦敵則或依舊制撤入於地方城子或率士卒往隸於  
節度麾下以效其力而兵使亦必詳度各鎮防戍之緩急或令駐札  
隘口或使馳赴軍前以明其部分爲宜若夫鬼門磨天磨雲之諸險  
不但爲我國關隘之要雖以比中國之二嶠六盤亦當無以過此第  
其危絕之地人不常居而猝然盡驅六鎮之卒而守之餽餉不給局  
鑰未設則此蓋可慮也北路六鎮之外明川北接鬼門吉州南界磨  
天而居山一驛橫跨於南北兩路之間察訪所駐又是磨雲之下而  
吉州最稱雄府民物之多亦倍於他邑進則直與明川共扼鬼門退

則可領端川協守磨天唯在量形便審機權而爲之前却居山則又  
選武弁之習兵事者爲其察訪就驛卒中抄得精壯團束訓練一如  
輸城之制俾保磨雲而南營虞候有事則馳赴嶺底爲其應援且兼  
董督如是聯絡分布似合機宜而曾聞熟諳北路者之言一路自鏡  
城寶化堡直向森森坡或與嘉山協守曉星而秦川亦有古城名曰  
壠右山高而城堅且當昌城徑路之直達鐵瓮者盡撤入於民而守  
之亦可以自保也雖然直路諸邑之中又不可無一人鈐轄則宣川  
防禦之權自足以指揮他鎮且以之接應兵閫巡邊兩使之節度而  
唯義州事勢與諸邑自別當獨爲一鎮矣  
六年領議政金壽恒筵啓居山輸城察訪當初以武臣差送者本



增補文獻備考 卷一百一十九  
爲驛卒作隊之事所幹之事未成頭緒而遽易以文臣似涉不便吏曹判書金錫胄曰甲寅以後北路事尤爲阻滯可慮以六鎮言之脫有緩急盡歸各邑兵於該鎮使之城守則兵使乃是塞上元戎而手下所領不滿千數此最寒心輸城驛屬則其數甚多抄擇丁壯於其中團束部伍隸于兵營少無所乏於傳命之事而有益於軍政則大矣至於居山驛屬幾至萬數介在磨雲磨天兩嶺之間不得不並爲團束以守天作之關防矣備堂申汝哲亦言其不可還罷 上命居山輸城兩察訪姑爲仍任措辭詢問于監司

補三十年領議政申琬筵啓俞得一備論中嶺形勢中嶺在於咸興府九十里之地而自是天作之險領府事尹趾完曾爲監司時築一

小城於嶺上長可六十餘步高可七尺而自黃草嶺至中嶺之間上有一線石路他無着足之處若使數人持銃隱此則萬夫莫過而但別將監營循例差送而自十月至正月四朔則寄食監營薄略莫甚故人皆不願云蓋是北路要害之地若或拒守則賊必不至矣今於軍校元額外稍加充補俾備三百之數軍餉亦於二百石內使之取耗資遣而此非賊人久住之地不過乍來旋退而已其所備置之糧足以支當矣至於軍器則令各軍門各出烏銃數十柄限百柄下送而弓箭亦依此數下送別將監營差定啓下之後自該曹成送教旨似合激動興起之道矣此亦依其所達使之舉行而新監司下去時亦爲一體分付如何從之



增補文獻備考 卷一百一十九  
三十六年奉朝賀南九萬議曰咸鏡道地處邊塞人多服習於騎射馬能馳突於險道且人與馬皆能累日不食不至困疲實非內地之可比請選北道三百名使北兵使將之又選南道三百名使監司及南兵使分將之其選擇之規合品官儒生出身閑良行伍軍兵公私賤人只取其有勇力能騎射者以爲緩急之用啓稟得請講定節目啓下廟堂分付本道舉行而號其軍曰親騎衛

英祖四十年領議政洪鳳漢筵啓北道親騎衛異於諸道兵馬擇其鄉族與將校子枝平時則爲渠輩拔身之梯緩急則爲國家得力之地真是我國莫強之精兵也當初設施之本意姑勿論年前加額時飭教顧何如而挽近以來紀綱漸弛其所充定日漸淆雜故自中

稍勝者羞與爲伍百般謀避卽今成隊者無異凡軍疲殘莫甚云論其弊源則有形勢之人圖入於假率之致也此若不別爲釐正所謂騎衛有名無實將何用哉自今爲始必以鄉族及將校子枝中好身手有膂力者依前擇定而前頭御史奉命之行備郎摘奸之時抽柱考案如有不擇苟充之事則當該守令與監司兵使從等級施以當律嚴加定式而御史及備郎未知何時當去爲先出舉條知委何如從之

正祖元年北評事沈豐之所啓南北關武科出身合爲千有餘人一番決科之後更無歸屬之處仍廢武技優遊自在誠爲可惜皆願一依親騎衛例限千人作隊則戰馬及軍裝渠當自備而分屬於本



道監營及南北兵營別其名號曰別親騎衛每年三處都試以其居首者陞差北道萬戶或權管則莫不樂從又將勤習武藝非但爲收拾人物之道亦可爲蓄聚精鈍之策 上曰分付道臣與南北兩帥臣爛熳商確使之成節目狀聞後令兵判更爲稟旨舉行可也

臣謹按各道鎮管之名固在於大典續典而第兵制團束則自設營將之後諸路制置俱用五營之規故不無通變損益之可見者且外邑軍伍或有兼屬於山城者或有全轄於舟師者其所紀載有不可徒泥於鎮營舊稱故一從籌司所在總案而釐錄如右至於吏奴隊則初無定額增減靡常不可以目今現存之數爲率故闕而不書

五年領議政徐命善啓以北兵營汰減馬兵增置親騎衛一千名設左右衛事有次對時稟處之命親騎衛之精健實爲北路可恃之卒而見存千名猶有不足之歎今若減此增彼以無益爲有用則在軍政可謂善變至於激勸之政宜盡慰悅之道 上曰禁御兩將之所見如何副司直李柱國曰馬兵二千革罷盡以親騎衛換定則填充之際似難精抄臣意則一千名以親騎衛代定一千名以步軍換定事甚便好矣訓練都正李敬懋曰親騎衛則鄉人及將校子枝並爲入屬馬兵則常賤之役故填充之路本自異歧移換之際不必減數臣意則減馬兵一千之數增親騎折半之額而馬兵餘數仍前置之恐好矣 上從之尋因道帥臣狀本皆以爲盡罷馬兵有違部曲



增補文獻備考 卷一百一十九

之制換定步軍不無稱冤之慮親騎衛增額亦有馬丁難充賞格難辦之弊仍舊置之

○純祖十四年命南兵營親騎衛增設五百名從南兵使李石求狀請也

○今 上四年命慶興府新募砲手一百六十名設賓一廳分作兩隊使之節制

○吉州防營新募砲手三百名稱以左右列課月試放

○二十年關北募二百五十人聚于南兵營鍊習稱以虎賁衛忠武衛將領稱衛將兵士稱衛士

附論外方軍制

申欽曰我國之兵多兩南西北之賦兩南乃百濟新羅之遺也嶺之俗質木而沉力作而饒業教之則足以為向上之卒湖之俗敏疾而輕善偽而多變教之則足以為應用之卒西北之地與戎接即高勾麗渤海之墟也古號健鬪乘不介之馬徒褐而馳奮臂以號木弧楛矢發無遺鏃教之則足以為莫當之卒故百濟教之以強其國高勾麗教之以抗中夏新羅教之以統三韓兵無常形習之則強苟無習之不易世而同矣

崔錫鼎曰凡鎮管之法守令各摠其軍如漢時郡國之兵隸於主鎮大牧敵入其境則官吏率眾而禦之嬰城而守之今則不然執戈赴戰之卒只是束伍而別設營將以統之隸于兵使是以守令



有同僉鎮管之名而無其實脫有邊警無一親兵不過望風奔潰而已壬丙之事今可為鑑臣意以節制大牧為主將所管各邑為屬將使之各率其兵罷營將而置中軍廩給視營將減半如是則外方軍制自有管轄可為緩急之用或曰軍旅非武將則不可臣以為苟得人則平日愛養之效臨急得力豈必文吏讓於武人哉中軍另擇名武則兼有用武之實又宜除出三南六七雄府以為武窠俾作節度階梯則有勝於營將之客官矣

柳馨遠曰我國前後兵亂守令皆奔竄宜揭明經法死守勿去如有棄城者行法無貸但今之列邑殘小者居多而州郡之兵有警則悉數赴難且邑宰一動則更無管者責人以所必不能而又從

以戮之不幾於殺無罪乎當省并殘縣使有邑樣設置上副官其無城處亦待民力稍紓漸加修築畫為一定之規邑各有守複屯相望則形勢可以壯固正兵雖皆從軍而保率倍之凡大小民人無非可共守者豈患無人乎

鎮衛第一聯隊第一大隊 江華 大隊長一人 餉官二人 副官一人 中隊長五人 小隊長二十人 正校六人 副參校七十三人 兵卒九百人 曲號隊副校一人 曲號手十人

第二大隊 仁川 大隊長以下同上

第三大隊 黃州後移海州 大隊長以下同上

鎮衛第二聯隊第一大隊 水原 大隊長以下同上



第二大隊 州清 大隊長以下同上

第三大隊 州全 大隊長以下同上

續鎮衛第三聯隊第一大隊 大邱 大隊長以下同上

第二大隊 鎮南後 移晉州 大隊長以下同上

第三大隊 蔚山後 移慶州 大隊長以下同上

續鎮衛第四聯隊第一大隊 平壤 大隊長以下同上

第二大隊 州義 大隊長以下同上

第三大隊 江界 大隊長以下同上

續鎮衛第五聯隊第一大隊 德源後 移原州 大隊長以下同上

第二大隊 北青 大隊長以下同上

第三大隊 鍾城 大隊長以下同上

各聯隊本部聯隊長一人副官一人武器主管一人旗官一人正校一人副校一人叅校一人

續增設平壤鎮衛大隊大隊長一人副官一人餉官一人武器主管一

人正校一人副校三人曲號隊副校一人曲號手十人鼓手十人中隊

長五人小隊長二十人正校五人副叅校七十人兵卒九百人

續濟州牧鎮衛大隊大隊長一人副官一人餉官二人武器主管一人

正校一人副校三人曲號隊副校一人曲號手十人鼓手十人中隊長

五人小隊長二十人正校五人副叅校七十人兵卒九百人

續臣謹按今 上乙未以後州郡兵或稱地方隊或稱鎮衛隊



位置之區域軍額之增減沿革不一不可悉記今只據甲辰現  
正方小存者錄之 大正對正人團餘對十人兵卒武百人

大正對正人團餘對十人兵卒武百人  
大正對正人團餘對十人兵卒武百人  
大正對正人團餘對十人兵卒武百人  
大正對正人團餘對十人兵卒武百人  
大正對正人團餘對十人兵卒武百人

增補文獻備考卷之一百十九

增補文獻備考卷之一百二十

弘文館 纂輯 校正

兵考 十二

舟師

新羅儒理王六年間倭兵至理舟楫繕甲兵

補慈悲王十年修戰艦

智證王十一年補于山國或名 嶮島恃險不服以伊殮異斯夫為何瑟

羅州軍主以討之謂于山人愚悍難以征服多造木偶獅子分載戰船  
誑告曰汝若不服放此猛獸踏殺之國人恐懼即降

補眞平王五年置船府署屬兵部學舟楫



孝恭王七年弓裔以高麗太祖為精騎大監率舟師自西海抵光州界  
攻錦城等十餘郡拔之

十三年弓裔以羅州為憂令高麗太祖以舟師次光州鹽海縣適甄萱  
遣使入吳越太祖取其船而還弓裔大喜又遣修戰艦于貞州

神德王三年高麗太祖為百船將軍領水軍鎮羅州甄萱及海上諸賊  
皆懾伏莫敢動

四年高麗太祖以步將康瑄詰黑湘金村高麗史作等為副增治舟  
舸百餘艘大船十數各方十六步上起樓櫓可以馳馬領軍三千餘人

載糧餉往羅州  
顯宗元年造戈船七十五艘泊鎮溟口以禦賊

高宗四十年習水戰于甲串江

元宗十二年遣邊亮等領舟師二百討珍島賊令四品以上出家奴充

水手補手○置戰艦都監

十五年元將征日本遣摠管察忽監造戰艦三百艘委之本國應辦

又令洪茶丘監督王以侍中金方慶為東南道都督使樞密副使許珙  
為全州道都指揮使右僕射洪祿適為羅州道指揮使又遣大將軍羅

裕等五人為諸道部大使集工匠役徒三萬五百人取船材於邊山安扶  
及天冠山長興以正月十六日始役五月晦日告畢船大小凡九百隻回

泊于金州遣使告元  
補忠烈王元年以金光遠為慶尙道都指揮使修造戰艦以元將復征



日本也

補四月王如合浦大閱東征軍戰艦千餘艘金方慶等所將我軍二萬七千餘人所支兵糧十二萬三千五百六十餘石

補恭愍王元年生員李穡上書曰今平居之民不習水故足未蹈船精神已昏一遇風波則左顛右倒欲其坐作進退與敵人賈勇難矣本國三邊控海島居之民無慮百萬方之泳之是其長技其人又不事耕桑以漁鹽爲利比因倭賊離居失利其怨之之心比之陸居豈止十倍沿海召募必具賞賚數千之衆一朝可得以其所長之技敵其所怨之人其有不勝者乎又以追捕使領之常在船上則州郡得便盜賊可敗矣

恭愍王二十三年中郎將李禧上言見今倭寇方熾乃驅煙戶之民不習舟楫者每至敗績臣生長海邊曾習水戰願自募人與之擊賊鄭准提亦上書獻策王以禧爲楊廣道安撫使准提爲全羅道安撫使初都巡察使崔瑩造船二千欲以六道軍騎船捕倭百姓畏懼破家逃役者十常五六及准提等建議事遂寢

諫官禹玄寶上疏曰議者以爲倭善舟楫不可以水戰別造船艦是重困吾民是不然水賊不可陸攻今東西江并置防守賊泛海揚揚而來我軍臨岸拱手而已雖精兵百萬其如水何哉宜作舟艦嚴備器仗塞其要衝賊雖善水安能飛渡倘得勢便擒捷掃蕩亦可必也

補命贊成事崔瑩將戰艦三百十四艘討濟州



辛禡三年徵造戰船僧徒於京山及各道楊廣道一千人交州西海平壤道各五百人京山三百人令曰僧徒如有苟避者輒以軍法論移牒諸道其船匠一百人餼廩及其妻孥

四年簽五部坊里軍令乘船捕倭

八年造戰艦初恭愍王二十二年崔瑩為六道都統使作戰艦八百艘將欲掃清海寇辛禡三年萬戶孫光裕戰敗于窄梁俱被燒盡至是瑩發諸道軍又募僧軍使造戰艦鄭地又復請造不踰年造巨艦百三十餘艘分守要害倭寇稍息

十年禍令諸道流竄者騎船捕倭以贖罪

十一年置兵船於丑山島自後倭患稍息

恭讓王三年都堂啓曰召募海邊人民三丁為一戶定為水軍諸道濱海之田不收租稅以養水軍妻子從之  
柳馨遠曰我東舟師之設始此  
本朝 太祖六年幸龍山江觀兵船

定宗元年命罷東北面及江原道船軍減西北面及京畿慶尙忠清全羅豐海諸道船軍時船軍防戍為諸道痼弊 上謂筵臣曰生民之苦莫甚於船軍比來倭寇寢息邊境稍安輪番代戍分治要害舉烽相望傳檄相聚則可以濟也遂詢于都評議司關東及東北面防守船軍並令除罷其餘諸道減十之一二

世宗元年倭人數犯邊遣三軍都體察使李從茂都統使柳廷顯都節制使崔潤德等發三南兵船二百二十七艘舟師一萬七千二百餘人



增補文獻備考 卷一百二十一  
直至對馬島屢戰大破之奪賊船大小一百二十九艘焚賊戶一千九百餘家而還

世祖十一年

作十年

始置兵漕船時申叔舟爲典艦司提調博觀唐倭

琉球等國船體折衷爲船分作大中小以便於用而於大船施上粧用於戰攻去上粧用於漕運一船而有兩用謂之兵漕船又慮諸島船體不一定去水高下船腹濶狹分送諸浦所造船艦不比而同諸道漕船到楊花渡叔舟請分左右隊爲水戰之形以觀行船便否 上乃親臨觀之大悅脫所御表衣賜之

李珣時弊策曰若板屋船則其制極巧戰具之不可無者也但虛棄淺沙日久無用議者所謂勿造者良以此也然而戰艦之作不可

一朝立造也若待倭寇侵邊然後乃欲伐木造船則何異於七年之病求三年之艾哉

宣祖二十五年以李舜臣爲全羅道左水使率舟師擊倭兵大破之先是倭釁已啓舜臣鍛戈鎔鎖以待不虞創智作大船狀如伏龜名曰龜船

其制船上覆以大板板上置十字細路以容人行悉以錐刀布之四無着足處前龍頭後龜尾皆有銃穴前後左右各六以放大丸藏兵器其底遇賊則編茅覆上以掩錐刀而爲先鋒賊欲登船則陷於錐刀欲來掩則一時銃發所向莫不披靡大小戰以此收績者甚夥

李睟光曰我國戰船制甚宏壯人言倭船數十不能當我國一戰



船李舜臣創造龜船用以制勝蓋賴於舟楫之利也然元均代舜臣則以百餘戰船敗衄無餘舜臣代元均則以十三戰船摧破六百艘蔽海之賊亦在乎將得其人而已

二十六年始置統制營管三道舟師以李舜臣主其事是時舜臣以閑山島地勢周回便於藏船倭寇若犯湖南則必由是路上請移營朝議以三南水軍不相統攝特置統制使以主之舜臣以陸地困於軍興若保一隅海浦則糧械自足遂煮鹽積穀募民完聚屹然爲巨鎮

明將陳璘以舜臣功馳聞于明朝特賜提督印今在本營其後辛丑李德馨以體察使建請移營形便甲辰移設於固城縣

補二十八年柳成龍請措置防守啓曰今日之勢勿論賊退與不退

皆當以舟師爲重賊未退則有遮遏邀截之勢賊退則陸地防備數年間將不能措置必以舟師橫截海口然後內地策應之事可以成形故曰無論賊退不退而以舟師爲重也

補又與明將吳惟忠書曰大抵賊船必乘東南風來故慶尙全羅二道最所受兵之處往年賊旣陷慶尙道屢以舟楫犯全羅道有本道水軍節度使李舜臣以舟師迎擊於巨濟洋中焚賊船數百賊終不得登岸全羅之境至今獨保者亦以此也

補李恒福曰我國戰船上設板屋周以防牌用夫一百餘名儼然爲一小城堡一船百夫之命專在船將將非其人同船之人俱受其敗以此言之則舟楫雖堅機械雖精格夫雖勇不如得一勇將而各浦



增補文獻備考 卷一百二十一  
邊將所領之外又有餘船二十餘隻別定領將休番交遞手生面新  
事未熟諳不如邊將長在船上詳知水軍者且二十領將盡得其人  
勢所難能武士之中稍能幹事者皆爲主將手下親信軍官爲主將  
者皆欲同騎一船以爲死生爪牙之用不肯分領別船故船將得人  
其勢尤難

補尹根壽疏曰我國之猶可恃以擬賊來者只有舟師而慶尙右水  
營舊鎮在助羅浦之西而今則右水使以統制使而留鎮於此自兵  
亂之後凡賊倭之來犯我境者每向釜山等地未嘗越大海而向全  
羅之境賊若再動其勢必取前路自對馬直向釜山而統制使自其  
鎮聞賊來之報歷助羅浦水路迂遠方出前洋其勢不相及也然則

乃追擊其後之師非遮截來路者也豈非失計之甚者乎更命廟堂  
與備邊司講究水路便近可及遮截之處以爲統制駐札之所實今  
日之急務也

補三十二年慶尙左兵使郭再祐狀曰朝廷方以舟師爲重一國之  
力盡用於舟師彼賊之來必欲與舟師戰而後下陸則專力於舟師  
之計得矣彼賊若畏舟師一朝乘風卒然下陸則臣恐舟師之不得  
下手亦如前日也然後邊境防禦乃責於陸兵之將則妄料禦賊計  
無所出

光海君七年權盼巡檢南邊舟師以各營及諸鎮士卒多少定爲三等  
船制亦定把數以爲大小之分時去壬辰纔二十餘年當時老兵舊卒



多有存者舟艦遺制猶可尋考盼以軍砲器械檣帆什物並錄爲案申報朝廷且請嚴飭列鎮倣此措置

仁祖五年置統禦營領京畿黃海忠清三路舟師用李廷龜建請也

初設於花梁鎮己巳移營於喬桐

二十一年朝廷以南邊爲憂欲以水軍移陸戰之議慶尙監司林壇以爲李德馨李恒福韓浚謙等因李舜臣閑山事已有成法今不可撓易因書報廟堂曰南邊無目前之急欲令舟師將移陸不念緩急之宜自古分防法意有在水將陸將各有死所而摠督則有元帥體察陸將不可責水戰水將不可責陸戰所領又各異能統制使領三道舟師海路遠近皆其所管且進且退不使賊由水路逼京者乃其

職耳今令水戰不利退保陸城則乘船之賊一帆直上海邊孤城守之何益議遂寢

柳馨遠曰舊制水軍皆本鎮將領之而各邑則但主其充定之政而已恬嬉既久邊備日廢壬辰亂後添設海邑戰船蓋不知擇鎮將整軍制而徒添格外之設以亂舊法

補孝宗二年命罷統營添防軍從領議政金瑄言也統營當海路要衝水卒寡弱壬辰亂後使沿海諸邑抄送水卒增設海戍春防秋還湖民不堪其苦至是罷之

補宋時烈曰水軍最爲良民怨入骨髓之役而其在山郡者事急則未及赴防常時雇立者皆是浮遊之徒豈有臨亂而不逃乎在



增補文獻備考 卷一百二十一  
山郡者當一切移爲陸軍而改定於濱海之民常時則使之屯田  
漁採以爲生臨急則使之操船禦敵則悅之者衆而緩急可用矣  
今之議者皆以爲山郡水軍不可猝罷此蓋爲水使者所賴而爲  
資者皆剝割山郡之軍也其爲水使者亦非所欲而終不得已何  
也捨此則無以應宰相名士之求索也此朱子所以每論治兵而  
必以正朝廷爲言也

補肅宗元年全羅道巡撫使李世華慶尙道巡撫使權大載忠清道巡  
撫使崔寬濟州巡撫使李選出去時廟堂議定節目

戰船之體制大小高下厚薄人各異見論說多端必於風亂之日深  
入海中棹船回旋以試便否戰兵伺候船等格軍及入防射夫砲手

等額一一點考知其實數舟師點閱後射砲手及鎮下軍官試射放  
以本道防軍留布差等施賞又各鎮浦戰船則格軍砲射手皆以土  
兵給代充補待變而各官則只以空船掛置浦邊脫有事變決無及  
時裝發之勢常以舟師整齊待變之策詢訪便宜以聞能櫓軍則全  
不充定每當習操之時驅村民而苟充設有充定之邑去船所既遠  
常時守護臨急調用俱涉不便以附近陸軍束伍相換充定水陸俱  
便叅酌啓聞各鎮浦士卒既無生理能櫓軍糧料亦無出處變通之  
道莫如屯田築堰開墾可合之地看審錄啓沿海禁松之地勿論各  
衙門設屯諸宮家士夫農庄一併摘奸啓聞人民之入居海島者嚴  
加禁斷一一驅出禁山眞木亦與松木一體培養船材長養之處牧



增補文獻備考 卷一百二十一  
場居多彼此相爭事多妨碍周覽各島船材之茂盛馬群之肥澤與否及土品之可合養松水草之可合設場一一書啓以爲變通之地統營設立之初三南海利一并句管軍餉器械將士支供皆出於此近聞諸處漁磯多爲本道監司之所假收稅半入監營統營生穀之道日漸減削云今不可不並爲還屬以爲海防重鎮軍餉裕足之地查問兩營以啓能櫓軍闕額以各營物膳等軍揀其丁壯一一充給船材長養之處以湖南之莞島邊山及湖西之安眠串爲國家材木之府庫大小需用專靠於此近年以來法禁解弛未免爲奸民之侵犯煮鹽起墾恣意焚斫無所顧忌此三處毋論公私設庄募入禁限之類一一書啓以爲處置之地

補備局啓以黃海道水勢險惡暗沙隱嶼處處妨碍戰船體制一如三南之高大則非徒材力之有所不逮緩急之時亦難運用其勢不得不稍減其制以便戰用

補七年兵曹判書閔維重筵啓各官戰船元非古制也乃壬辰兵亂後所創設者而新造改製之際徒費財力實無緩急可用之望所當一併革罷而朝議猶以爲難故臣意欲於沿海諸島中擇其要害處加設邊將各置戰船以爲各官戰船漸次革罷之計矣湖南康津地有古今青山二島糧餉廳設屯已久土地膏沃居民衆多以其要害言之唐將陳璘統制使李舜臣留陣之所也古今島地大而青山島差少古今島宜設僉使青山島宜設萬戶設鎮之後以各邑戰船二隻移給而能櫓射



砲手皆以島中居民充定一如格浦戰船之爲則其於海口最爲着實而朝家亦無割給水軍之弊矣左議政閔鼎重曰各官戰船未有實效而徒費民力朝臣多有欲罷之議而右相之意每以戰船數少爲慮今若加設邊將於諸島仍以各邑戰船移授則雖罷各邑戰船實無不足之慮且糧餉廳雖無古今青山兩島亦可以支過兩島設鎮似當矣閔維重曰今此兩島之外多有可合設鎮之處而不可一時并舉先試於兩島觀其成效次第加設似合便宜矣從之

補吏曹判書金錫胄於筵席極陳三南各邑戰船濫費物力終歸無用之狀曰閔維重每欲於沿海諸島各衙門設屯處擇形便置鎮將以造戰船而各邑則只於海邊要害處置船其餘並罷若然則戰船

之數不縮而糜費可省矣左議政閔鼎重曰元均多聚戰船沈海而遁李舜臣以十餘艘破賊而所用之船亦皆臨急造作將不得人則船雖多亦安用哉

七年補八年平安監司李世華請於廣梁鎮置防禦營以本道十邑爲一鎮海西四邑爲一鎮水軍戰船並屬管轄 上從之

丙寅移營於三和府只管廣梁老江兩鎮

補九年兵曹判書南九萬筵啓海防軍卒之踈虞至於如此誠非細慮各營募軍匠人及凡干營屬一併革罷以爲充定能櫓軍之地何如特進官申汝哲曰能櫓軍之弊果如吳道一所達矣臣曾系統制使時以各營募軍及物膳軍革罷充定能櫓軍之意啓聞定奪而全羅左水使



增補文獻備考 卷一百二十一  
則爲監司所阻不得移定云矣今若一依吳道一所達施行則事可着實矣領議政金壽恒曰慶尙監司尹趾完狀啓中以爲營屬海夫移定能櫓軍事定奪之後統營尙以募軍收稅不爲移定云當該統制使當摘發論罪而吳道一申汝哲所達之言誠爲得宜依此分付施行可也上曰筵臣及曾經閫帥之人詳陳其弊三南監兵水營募軍及物膳軍并爲革罷充定能櫓軍事分付可也

設水軍鎮管於蟬島加里浦以臨淄古群山木浦多慶浦法聖浦黔毛浦群山浦智島八堡屬蟬島以古今島南桃浦金甲島於蘭浦梨津薪智島馬島會寧浦八堡屬加里浦以兩鎮當兩南水路咽喉故詢議於本道監司水使置鎮管

補十一年武臣李枝遠筵啓曰我國戰船體制高大一遇逆風不能制船若減其把數則其於往來周旋實爲輕捷矣領府事金壽興曰自前武臣所見各自不同戰船長廣或以爲當減或以爲不當減而但凡戰船中所載糧餉器械及軍卒尤多體小則似不可用於對敵之時李舜臣時戰船旣是其得勝之制而長廣高低必有尺數令廟堂分付統制使李舜臣所制船體及卽今統營及各水營船制並爲尺量上送更加叅量一從舊制定其多少俾勿任意加減則似好矣從之

十七年以水軍之在山郡者與沿海陸軍換定防戍 宣祖乙未李廷毓建請以爲遠地山郡之民定爲水軍不習操舟一朝驅之於防海之役其勢易敗宜令換置邊臣慮其騷擾事遂寢至是廷議復以爲言



增補文獻備考  
卷一百二十一  
上從之

臣謹按李珣為海西伯時以道內山郡水軍及海邑陸卒啓請  
換定而遞任後旋罷之蓋此換定之論出於壬辰亂前而至是  
始行焉

工曹叅判閔鎮遠疏曰各營鎮各船軍卒一依元軍數盡為立代  
元軍或願自立則聽而必擇其壯健有根着居在鎮下近處者永為  
充定後仍為成案有逃故則代定常時長待船頭以備緩急之用其  
中雖有餘軍不足元軍布取用之處立代軍則一依元軍數成案而  
給代布則每朔輪回受食且自水營不時發遣軍官摘奸如有一名  
不為給代私用其布者則當該邊將啓聞論罪

江華留守閔鎮遠筵啓我國船政最為虛踈江海往來之舟艦元  
無管束之處脫有緩急雖欲轉運糧餉既不知某地有某船則將何  
以措手乎水上往來船隻則專屬工曹各衙門各軍門所屬船隻皆  
令納稅工曹而兩西三南海洋往來之船隻無他屬處竊念本府處  
於海門咽喉來往船隻無不經由境內自設鎮撫營之後衙門亦且  
尊重凡賃載漁採船隻之往來海中其大容載五百石以上者皆令  
屬之本營非有本營公文則不許往來公文成給時每船收稅木一  
疋或錢三兩而漁場立船既納魚稅者減稅給公文如是定式作為  
船案沿海各處某地有某船無不詳錄脫有事變可以得力回啓依  
此定式



增補文獻備考 卷一百二十一  
四十年命審諸鎮船艙便否改戰艦諸制

是時戰船漸失舊制難於運用且沿海船艙非潮滿無以移動議者以爲戰船不如兵船判尹閔鎮厚請擇諸道船艙最便處仍置戰船其餘戰船改作兵船於是詢于諸道水使則慶尙左水使以爲船制宜減其長廣全羅左水使以爲寶城樂安兩邑船艙最不便右水使以爲各鎮無軍防船十一隻當減忠清水使以爲舒川韓山林川三郡及平薪鎮船艙皆不使其戰船可改爲防船京畿水使以爲本營戰船一隻及注文花梁兩鎮戰船皆當改爲防船至於海西則海路與南方不同且無船材每以他道退船移給事多難便故各邑戰船皆已改作防船吾又浦許沙兩鎮之戰船登山之猛船並宜改作防

船 上從之

英祖十六年治創海鷗船置於全羅左水營

我國戰船皆設三層板屋四面楯窻體大質鈍遇風易敗田雲祥以水使考海鷗船制於武經節要書倣以成之其制頭低尾高前大後小如鷗形舷上左右置浮板象其兩翼既不畏風又甚輕疾內能窺外外不能窺內櫓軍射手皆可以隱身而搖櫓射放以此馳啓建請上命置本營以備防海之用

補李灑曰鄭尙驥云宋楊么浮舟湖中以輪激水其行如飛旁置撞竿官船迎之輒碎以意度之用圓木橫置船上兩出船外其兩頭以杠十字交貫以麻繩捉縛杠之四端周圍如輪而多設激水



箠於其端又橫木中間多設掉枷衆力踏轉則木轉而輪轉輪轉而箠激其疾如飛宜矣余考宋史虞允文踏車船中流如飛又按李綱疏云荆湖間車船乃唐曹王臯遺制其大至有三四十車者挾以雙輪鼓踏而進駛於陣馬其制必如此尤可證

續全羅左水使李民秀狀啓曰臣竊伏念戰船之制宜以便利爲主今之戰船務在朴實不慮鈍滯之爲病取其恢濶罔念運用之不利乘潮駕風或假推移之力波退吹微實無動揮之勢壬辰丁酉之際所用船制未知如何執柯伐柯猶以爲遠則轉輾差誤漸失古法亦非異事有識之憂厥惟久矣雖然朴實之故賊船之輕巧者亦受觸碎其說屢見於古記則利害相半有難輕議臣嘗反覆紆思求所以

救藥之方謹按王鳴鶴登壇之書云宋楊么劉豫負固不服浮舟湖中以輪激水其行如飛瓊山丘濬謂楊么之舟以輪激水無風可行者此也茅元儀軍資之篇有所謂車輪舸詳著尺寸仇俊卿亦云車船之制令軍士前後踏輪舟自進退中流上下回轉如飛由是觀之中國用兵之家講行此法其來久矣臣試依其法造一小船船之左右各施二輪前者近頭後者近尾上設橫梁以資攀援外設防牌以爲遮蔽試汎洋中令健卒四人各踏一輪以之激水則其行迅速進退猶意雖無風潮可以行船若值不虞之時則見利而進賊不能逃知難而退賊不及追其進其退猶係輪卒之俯背不拘船體之頭尾如欲回船則前左後右交踏以右之或前右後左交踏以左之無振



增補文獻備考 卷一百一十  
舵回頭之難雖風濤如屋險惡無比左右懸輪如車有輔必無傾覆之患又凡帆幔之物無論是弱是布火箭一著無不焚燒乘風擊賊恃帆爲勢猝遇此患慌急無措其無他慮曷若負盾而踏輪乎戰船體鈍非此莫可雖兵船鵠船無所不可臣又思之船之臭敗以有漏也衣裯絮其質鬆踈既腐既蛀無以塞漏舟之拒水也不堅則水之負舟也無力此漏船之所以必臭而無幸也漂船之來泊者無論華船倭船皆以油灰塗縫灰縫之上又有鋪板點水不漏亦無濕氣粟米豆粒不包不橐如注甕甕堅緻如此豈不耐久上年漂船來泊時臣令譯官問其造船之年紀則彼人荅云此船剗造今爲八十餘年若要修改只改鋪板大抵油灰之性不腐不蛀久而成石自無滲

漏今天下之船皆用此法惟獨吾東之船尙用竹裯豈不踈乎臣於小船試用油灰浮之水中果無滲漏今當造船之日上項施輪縫灰鋪板等三法不可不用此是舊例所無不敢擅便財力之所加入亦頗不尠須有廟堂區劃乃可舉行油灰所用必用桐油而俗不栽桐亦頗難得自今戰船所在諸邑諸鎮各種桐數百株以資油灰之用則桐是易長之木不出十年必食其效苟無朝令無以課種并只令廟堂稟處臣又思之天下之物動則不壞靜則不鞏此物之理也流水不腐戶樞不蠹豈非古人之至言乎今戰船兵船造成之初則閣于泥沙終古不動或當習操之日千人呼邪僅移數步大砲震激乃浮水面如是也故筋脈解緩首尾不應倉卒彌縫架漏牽補數里沿



涸半日而止苟幸此日之無事不念他年之隱憂其實若當有事之時必取公私所用漕船商船之平日運行者乃可出戰今之所謂戰船兵船必將焚棄之不暇何者千病百痛非咄嗟之所能藥也當初戰船之設其在倭寇之後當此之時朝夕待變如在目前故嚴其法制泊于信地令不敢寸步移動歲久成規雖至昇平之世而此法不改大凡爲國之計貴在務實不在虛文況於武備乎臣謂自臣營爲始自今戰船兵船許民使用使之輸漕使之行商一如公私諸船惟其所住之地嚴立限界北不過京江東不過昌原西南不過紅衣楸子如有越界直用軍律每戰船所到之處必於地方官即出公文使知來泊及其發船之日亦出公文使知還去若於其間或有警急則

該地方官星火督發俾還本營如是定式申嚴約束則雖於中洋或有風聞回還信地誰敢或後乎有警之日東自蔚萊西至固麻必驛書飛傳呼吸相通苟使騎船之民稍知軍法出不移方則招呼還集不過旬日間事此不必深慮自古寇盜之警未嘗無豫兆先聲新羅清海之受敵高麗海浪之爲患皆非一朝之忽至者雖以壬辰事言之舉國嗷嗷數年之後乃有壬辰不可曰不虞也編伍之卒不居於船側甲兵之具不載於船中聚軍修械動費數月旣聚旣修乃可出戰惟懼戰具之難辦豈患船還之不亟乎今汶港所閣之船如欲聞變而修改令可出戰則須費數月乃可訖功此船則還來之夕便可出戰左右思量其利害便否不可同日而論戰船兵船之制上有裝



增補文獻備考 卷一百一十  
板傍有銃穴裝板甲乙丙丁書其標號藏於廠屋以待其用銃穴別  
爲牖板以時開闔則彼此兩用俱無所礙民用公船自應有稅雖其  
所歛輕於私船計其歲入亦應不尠造船改船經費必減若吏若校  
聊賴必生上可以小補國用塞其糜潰下可以沾惠軍民救其貧賤  
以臣愚見實爲便宜事關變通不敢質言請令廟堂稟處  
經國大典續大典戰船水軍之數

京畿大猛船十六隻中猛船二十隻小猛船十四隻無軍小猛船七  
隻忠清道大猛船十一隻中猛船二十四隻小猛船二十四隻無軍  
小猛船四十隻慶尙道大猛船二十隻中猛船六十六隻小猛船一  
百五隻無軍小猛船七十五隻全羅道大猛船二十兩隻中猛船四

十三隻小猛船三十三隻無軍小猛船八十六隻江原道小猛船十  
四隻無軍小猛船兩隻黃海道大猛船七隻中猛船十兩隻小猛船  
十隻無軍小猛船十隻永安道中猛船兩隻小猛船十兩隻無軍小  
猛船九隻平安道大猛船四隻中猛船十五隻小猛船四隻無軍大  
猛船一隻無軍中猛船三隻無軍小猛船十六隻  
大猛船每一隻水軍八十人中猛船每一隻水軍六十人小猛船每  
一隻水軍三十人  
壬辰亂後大中小猛諸船之名變爲今戰防兵等諸船咸鏡江原道  
諸船並減

三道統禦使一

兼京畿水使

中軍一守城把摠一哨官四旗牌官三軍官一



百二十八

束伍四哨標下軍二百五十

戰船二龜船一防船一兵船四伺候船八汲水船三船將七先鋒

將二船監官一軍器監官四知毅官四旗牌官二十五捕盜官十五

教師一別破陣四射手一百十八砲手二百五十九標下軍三百二

十四格軍三百六十三能櫓軍九十七防水軍八百七十六各邑

屬鎮德浦使花梁使注文島使德積使長峰戶戰船二防船八兵

船三伺候船九報警船二艍舳船二卜物船一汲水

船五將卒並一千七十五防水軍二千四百七十五各邑

防禦營束伍八哨標下軍九十四防船二兵船二艍舳船

一汲水船三將卒並二百九十八防水軍二百十四各邑

李敬輿曰備禦之道必有外援控制要害然後形生勢張其守自固臣嘗領略江都形勢延安海州為東北之捍蔽必置重鎮若金陵之歷陽廣陵可為唇齒之勢至於德浦之距紫燕紫燕之距延興延興之距難智難智之距萬代萬代之距助戰所助戰所之距都頓都頓之距群山皆是三十里四十里而碁布海岸洞豁相望亦非蕩然空曠之地若稍加料理得人而任之使之置困儲粟募兵具船以備緩急自群山以下如格浦臨淄之類漸次規畫使得就緒則非但有補於急難之際號令可通於三南矣

三道統制使一兼慶尙右水使中軍一虞候山城中軍一千摠二把摠四百摠六



哨官十九城長十九知設官七旗牌官五十都訓導六火炮監官二

城丁軍四百四十親兵十六哨各邑牙兵三哨各邑標下軍三百六十七

僧將一僧軍四十二

戰船三左右別船二續大典不載龜船一續大典作三左右防船二兵船七探

船二續大典有探船伺候船二十一待變軍官一百四十船將

十二捕盜將補作官十四砲手把摠一把守別將二知設官六旗牌官

二十都訓導十六監官十八別武士兼假倭將二十九射夫一百七

十四火炮手一百五十砲手二百舵工七沙工一百四十四假倭軍

七十五標下軍二百八十七攔後兵四十一能櫓軍八百四十一船

庫直六十九中營將卒並三百八十六

屬邑鎮晉州牧巨濟府昌原府金海府河東府昆陽郡固城縣南海

鎮海縣泗川縣熊川縣加德僉使彌助項僉使龜山僉使赤梁僉使助羅浦

永登戶萬唐浦戶萬安骨戶萬薺浦戶萬玉浦戶萬知世浦戶萬加背梁戶萬蛇梁

平山浦戶萬天城戶萬南村將別新門將別長木浦將別晴川將別舊所非將別蟾

津將別栗浦管權三千管權戰船二十三龜船十三續大典作三十字衍兵船三

十六伺候船七十二將卒並八千六百三十八營鎮防水軍共一

萬九千九百八十保九千二百四十先後運射夫五千八百四添格射夫一

千二百五十二寺奴二千九百五十二漆奴一千二百八十把任末保四百

差備軍一百良餘保五十以上並在各邑

徐文重曰東國地形三面際海而南對島夷風帆踔至無間遠近



同被其害至于麗末而極矣國家革代之初諸路傍海之地皆築  
城堡各置水軍節度使以領之壬辰之亂李舜臣擁舟師搃守南  
邊大挫賊鋒使不得過露梁以蔽遮兩湖議者以為中興之業全  
賴於此矣始置統制使於固城管制三南舟師沿海郡邑亦置戰  
船其視國初之制船數雖少而體制之宏大器械之完備又什倍  
矣丁酉許和之後不以狼煙靜息益修戎備及至今日殆無遺策

忠清道水使一中軍一候 虞

戰船二龜船一防船一兵船二伺候船七梭船八補不載 續大典待變軍  
官一百七十船將二知穀官七旗牌官二十捕盜官八教師六訓導  
四火砲教師四射手九十砲手一百四十一標下軍一百六十二艘

手九繚手六碇手六舞上三能櫓軍四百二十四防水軍三千二百

九十七各 邑新選二百七十各 邑輪防校卒二百九十各 邑

屬邑鎮洪州牧 郡 沔川郡 瑞山郡 舒川郡 林川郡 韓山郡 泰安郡 庇仁

藍浦縣 保寧縣 結城縣 海美縣 唐津縣 安興使 僉 郡 平薪使 僉 郡 所斤使 僉 郡 馬

梁使 僉 戶 萬 舒川浦 戰船三龜船四防船二十兵船十八伺候船三十

四 將卒並三千九百十四防水軍三千七百四十九各 邑 新選五百

四十各 邑

全羅道左水使一中軍一候 虞

戰船三龜船一海鷗船一防船四補海鷗船防船 並不載續大典伺候船十一待  
變軍官一百七十船將七知穀官二旗牌官六十捕盜官八訓導九



火砲教師一火砲手四十射手一百五砲手一百四十六標下軍四

百八舵手二十四繚手八碇手八舞上八船直四能櫓軍六百七十

三入防軍四千一百四十五各邑需用軍八百各邑軍需軍一百五十各邑

屬邑鎮順天府長興府樂安郡寶城郡興陽縣光陽縣防踏使蛇渡

使呂島戶鹿島戶鉢浦戶會寧浦戶古突山將戰船九續大典作十五

龜船六防船十五龜船防船不載續大典兵船十七續大典有兵船十七而原本落漏伺候船

三十續大典作二十八將卒並三千六百十五入防軍七千九百十各邑募

軍一百

右水使一中軍一候

戰船二續大典作三龜船二續大典作一防船一兵船三續大典作四海鵲船一伺

候船八 待變軍官一百七十船將七布告官二將校二十八知殼

官六旗牌官二十五教師八捕盜官八訓導六射手一百十六火砲

手四十二砲手一百四十標下軍二百四十六舵手二十一舞上九

繚手八碇手八船直八能櫓軍五百四十六入防軍三千五百三十

各邑需用軍六百各邑

屬邑鎮羅州牧靈巖郡珍島郡靈光郡海南縣務安縣咸平縣法聖

使群山使古群山使蝟島使臨淄使古今島使加里浦使南桃浦戶

金甲島戶於蘭戶梨津戶薪智島戶馬島戶木浦戶多慶浦戶智島

使萬戶荏子島使黔毛浦戶黑山島將格浦將戰船二十續大典作二十六龜

船八續大典作一防船十一續大典作一兵船二十八伺候船五十六 將卒



並七千四百四十三入防軍一萬三千九百五十各邑無防四鎮新智島古

今島葎子 島智島輪番軍一千一百十四

慶尙道左水使一中軍一候 虞

戰船四補 續 大 典 作 三兵船五探船一補 續 大 典 作 不 載伺候船十一補 續 大 典 作 不 載待變軍官一

百船將八船監官二軍器監官一知毅官六旗牌官七十都訓導五

教師二十射夫一百三十二砲手一百五十六標下軍一百九十一

舵工二十五繚手八碇手八能櫓軍五百七十五攔後兵四十二船

庫直六

屬邑鎮蔚山府機張縣釜山僉 使多大浦僉 使西生僉 使開雲浦萬 戶豆毛浦

萬 戶西平萬 戶包伊萬 戶戰船八龜船三兵船十一伺候船二十二將

卒並二千六百九十六營鎮防水軍共八千四百十四保 四 千 二 百 七 十寺奴

二千二十六添奴九百十一先後運射夫三百十二差備軍良 餘 保 一 百 十

一 炭射夫五百二十八炭匠一百八十把 任 未 保 一 百 八 十 六 〇 以 上 并 在 各 邑

黃海道水使一中軍一守城將一城將四千摠二把摠四哨官八旗牌

官六十三軍官一百三十

別武士五十一牙兵二哨標下軍一百十

戰船一防船四補 續 大 典 作 三兵船一小猛船一挾船五艍船三補 續 大 典 作 五

追捕官船十二補 續 大 典 作 十追捕私船十八補 續 大 典 作 不 載別抄軍官二百捕

盜官一百待變軍官一百射夫軍官九十補軍軍官一百陪持軍官

五十旗牌官八十別武士三百大砲手十砲手八十三標下軍一百



九十一能櫓軍三百十七水軍一千二百八十四追捕船將一兵房

二武士六百九十沙格四十九

屬邑鎮海州故豐川府長淵府延安府安岳郡白川郡殷栗縣長連

康翎縣白翎使登山使椒島使許沙使龍媒使吾义浦使助泥戶

甕津別將戰船一防船二十三兵船八挾船二十四續大典伺候

船一艍船七續大典汲水船六原本追捕船一小船六續大典

船十三別將卒並三千三百二僧將一僧軍二百九十八

柳成龍曰海西一道島嶼甚多如宣川之身彌島豐川之楸島海州之睡鴨皆地勢廣濶有豐草茂林高山平阜實與江華喬桐等地無異而特以西道不事防海故但為牧場而已請於諸大島各

置武將一人率水軍以鎮之則事極便利而實係遠慮海中沃土處處耕種如古屯田且使老弱入保丁壯出戰則南北千里水路相通列船嚴守則聲勢自固矣

李恒福曰白翎為島正當西大洋蓋其島東西可五十餘里南北四十里周走而回三日乃盡中有巨港曰深隱浦長幾二十里地勢陷而高四無所得東連江華西對椒島西北與長山串正對宜以廣巖阿耶兩鎮合置仍令長淵許沙等官與所江僉使同為沿海東西舟師大將詳見與地考

兪集一為海西伯創設輪船其制前後有輪首尾設舵揚輪激水取其迅疾首或為尾尾或為首相勢進退無有碍於回轉試以他



船乘潮退順風掛席與輪船同發則輪船之出其前不啻香絕又

逆潮回楫他船之所未能而輪船之決駛能與順潮無異矣此蓋一時

所設而其後遂廢不行

平安道防禦使

三和府使兼

屬鎮老江

使兼廣梁

防船三兵船三汲水船四伺候船一

原本落漏

募船一瞭望船一

募船一

將卒並八百三十五

宣沙浦

使兼

防船二

積大兵船一

積大

伺候船十一

艇舫

船一挾船一

此三船並落漏

汲水船五軍需船一

汲水船軍需船並不載積大

將

卒並五百三十二

仁祖初沈光世疏曰玉光舊堡正對新好未入鴨江處此水出自

清河等地大可方舟賊若多造船隻順流而下則將無以禦之本堡

隔川處有絕險築城之地千兵可守而前人忽之今若合並不緊山

堡移於此處創置廣船裝載防牌以為水戰之具常時則撤去戰具

運糧水上有變則復為修裝火攻賊船此不可不為之策

戰船改槩限 各船慶尙右道八十朔而退限二十朔改造左道六

十朔而退限二十朔改造 皆用鐵釘故無改槩 全羅道三年初改槩又三年再

改槩又三年改造忠清道戰船三十朔改槩又三十朔再改槩又三

十朔改造防船三十六朔初改槩又三十六朔再改槩又三十六朔

改造 兵船則又加三十朔凡三改槩 平安道每間二年改槩十年改造黃海道每

間二年改槩十二年改造京畿無定限隨傷改槩或改造



分防法 各浦戰船櫓左右並二十捉一捉各四名沙工舞上各一名合八十二名射砲手四十名各鎮入防軍分以風和風高兩節定其立番多少假令風高時立百人則風和時倍數立番沿海諸路皆用此例

續四十七年以長淵府使兼營將管轄長山南諸邑鎮初長山串水路絕險山南邑鎮水軍過長山赴操於山北水營往往有摧檣淪沒至是因大臣言遂命長淵府使兼水軍營將分操長山以南五邑三鎮俾除過長山合操之弊

續純祖八年命全羅右水營所管荏子島戰船移泊新艙從水使權連啓也

續九年命各水營龜船及海鵲船遵遺制造成

右議政金載瓚啓近日水陸戎具殆不成樣而至於船制尤爲寒心龜船卽故忠武公李舜臣所創而每戰必勝者也其圖式詳在於忠武全書一按可知 英廟庚申全羅水使田雲祥創造海鵲船其制頭低尾高前大後小一如海鵲之形船上左右宣浮板張如兩翼以生牛皮列爲城形疾風怒濤行若飛梭不畏傾覆用甚輕疾內能窺外外不能窺內殆同龜船之制而較小於龜船此在於文獻備考國朝寶鑑統營各水營不必別新造船一遵兩帥臣遺制請爲定式永勿廢從之

續今 上四年命新造戰船三隻付之舟橋司



續九月 上詣鷺梁龍驤鳳翥亭行水操

增補文獻備考卷之一百二十一

增補文獻備考卷之一百二十一

弘文館 纂輯 校正

兵考 十三

補摠論軍制

本朝 宣祖七年李珣陳弊疏曰鎮將先問軍卒之幾何以計綿布之多少而已能以防備為虞者絕無惟是胥吏之輩投間抵隙執其機要生民膏血殆盡於胥吏之手至於籍兵最是大事而賄賂交于路偽券亂其村真民欲餽以牛色吏必求綿布以牛易布牛價賤頓京外皆然○又曰我國法制只設兵使水使僉使萬戶權管等官而無廩養之具使之取辦於士卒邊將侵漁之弊濫觴於此加以銓選



增補文獻備考 卷一百二十一  
不公債帥接武公言曰某鎮之將其直若干某堡之官其價若干彼輩徒知割剝軍卒以發其身而已他又何慮哉士卒若於留防願納綿布以免戍役者必悅而從之其留鎮者則必督以難堪之役責以難辦之需使煎熬於膏火之中人非木石孰不愛身見免戍之人偃臥其家莫不歆羨亦效其爲若戍役多免鎮堡將空則必誘近處居民使於摘奸之時假名代點巡按之官只閱其數而已孰問眞贋免戍雖便綿布難備故數度留防家已懸罄不能支保逋亡相繼明年按簿督戍則本邑必以一族應役一族又逃則侵及一族之一族禍患蔓延無有紀極將至於民無子遺而彼所謂債帥者方且志滿氣得捆載還家驕其妻妾而貧者以富行賂權門又圖陞授而賤者以

貴焉今之議者不思矯革此弊而徒以軍額未充爲憂假使軍額悉充此弊未革不過添邊將所得綿布而已於防備何與哉○又曰水陸之軍不必留防於所居之地或赴於數日之程或赴於千里之外至有不習水土多發疾病者既怵於將帥之侵虐又困於士兵之陵暴羈旅寒苦飢飽失時南軍之戍北邊者尤甚羸瘁顛頓面無人色此等若遇虜騎雖欲逃避亦不可得坐受魚肉况可望控弦而禦賊乎臣聞黃海騎兵之戍平安者一行之費必不下三四十疋綿布夫三四十疋乃村民數家產也一往必破數家之產安得不窮且逃也○又曰若其留防則必領其邑之卒其邑之卒不足然後乃定于旁邑而留防所在處則諸色良役皆廢只存留防之役使無遠赴之勞



增補文獻備考 卷一百二十一  
而分番迭休其在鎮之時亦無一毫費力傷財之事其應鎮將之使令也不過搬柴運水而已他無所與使得專意於操弓習射焉○又曰內外良役名目甚衆不可枚數而其中所謂皂隸羅將諸員者最其苦役也此亦以綿布償役而已其所屬之司既以他人代立而不時侵督邸吏使償役債邸吏出息以納而歷數所費徵其三倍於當身故一人每應三人之役有所不支例徵一族矣

二十四年副提學金誠一劄曰兵務精不務衆古之善教也今則不然生齒之數減於昔時而軍額之增倍於先朝不分傭丐舉充額數額數之外又有餘丁作爲別隊號稱旅外籤軍纔訖流亡相繼責其族責其隣又責於執耕之人一人逃亡禍及十家十家不支禍及

百家展轉相仍終至於空簿而後已安在其爲務精之義乎地有遠近分防不可不審役有苦歇勞逸不可不均而今則不然軍政皆委諸胥吏故防所不問遠近分軍不問苦歇惟賄賂多少是視踐更之法不以其時或數年不還甚至七八年之久捐父母棄妻子蠟虱生刁鍋糠糝不盈腹飢寒困頓忍氣吞聲加以債帥之剝割甚於水火視如鷄豚輕如草芥啖咀斬刈無有紀極且十五爲丁六十除軍而乳下之兒盡編軍伍七十之老亦在兵籍至疲癯篤疾舉皆不免柳成龍所著戰守機宜其論斥候條曰斥候瞭望三軍之耳目軍中無斥候瞭望則比如盲人騎瞎馬夜半臨深池敵至營門而不及知其危甚矣然斥候瞭望亦以先期遠布爲貴不先期則敵間已入於



增補文獻備考 卷一百二十一  
我不遠布則敵之伏兵先據要地賊得以巧計誤我而其動靜虛實終不得知矣六韜兵法曰凡帥師之法常先發遠候去敵二百里審知敵人所在遠者百里近者五十里卽有警急前後相知又先戰五日發我遠候往視其動靜審候其來設伏而待之云者此皆先期遠布之意也我國近日諸將用兵不知斥候瞭望之爲重冥行妄動不意與賊相值驚駭奔竄倉黃失色未及交鋒而敗○其論長短條曰兵法曰知己知彼百戰百勝不知己不知彼百戰百敗試以倭人與我國長短相較則倭之長技有三鳥銃也槍刀也又能輕生突鬪赴湯蹈火而不辭也此天下之勁寇而我國不能敵我國所長但有弓矢而比之鳥銃則遠近不相及其聲威之暴烈又難比并夫以鳥合

之卒持其所短而欲與相較於平原廣野之中其敗宜矣然而善戰者因其勢而利導之長者或反爲短短者或反爲長此兵家之妙不可以不察也今以騎步二兵論之孰不以騎勝步也然騎兵利平地步兵利險阨若不得其地而混雜用之則二者俱喪其長而爲敵所敗也鳥銃弓矢之技亦然若平原廣野兩陣相對金鼓相聞次第俱前弓矢短鳥銃長萬不可敵矣然鳥銃雖長於弓矢而藏藥納丸引火照放之際頗爲遲鈍至於任意伸縮應機緩急騎步俱便左右咸宜則亦不及弓矢若相其地形得其險阨林木之間夾道設伏以待賊至而叢矢亂射萬箭齊發則賊雖衆無暇施其所長而我可以勝捷許儀後所謂疾戰則措手不及者正謂此也○其論約束條曰夫



增補文獻備考 卷一百二十一  
用兵當敵必有正有奇奇正循環應變無窮此良將之所以善用兵者也今姑舉一哨而論之哨官所統有三旗旗各統三隊遇敵之時哨官觀其賊勢量其衆寡難易之勢或令一旗率三隊先進而當敵又令二旗左右旁出而掎角先進而當敵者正也後進而旁出者奇也或旁出者先與賊遇則正兵反爲奇兵而迭爲其用苟或當先者不先當後者不後左者不左右者不右或失其時刻或聞鼓不進聞金不止者必斬無赦茲其所謂約束亦所謂軍令舉百萬之衆惟將所令而不敢違慢矣今之爲將者臨戰全無約束混雜并進不知孰爲正孰爲奇又不知何者當先何者當後何者爲伏何者爲繼一時俱進喧囂錯雜畧無統領士卒皆駭顧驚視心膽已墜而所謂軍官

及將帥者乘肥執策却在後面欲爲自脫之計下卒亦知其如此不復有鬪心卒至敵到數十步內土崩瓦解乘馬者悉多走免步兵之疲頓者盡塗賊刃喪師覆衆前後一律○其論迭射條曰我國之軍但持弓矢而不習他技敵至數十步內始可發矢而既發之後無以繼之賊持短兵突進而白刃交前又無以應之則不過拋弓矢而走耳此乃長短不具不能相衛但有長兵而無短兵之致也然短兵既不可猝習假使習之與倭不敵兵書云長兵短用短兵長用長短亦無常勢在於用之如何耳今欲處此當用迭射法漢書李廣爲匈奴所圍令吏士皆持滿外向身自以大黄射匈奴無不應茲而倒者卽迭射之意也蓋一時俱發則賊雖有中者而他賊乘其未更湊矢之



增補文獻備考 卷一百二十一  
前突至于前迭射者所以防其突至之勢而使賊不得乘我之隙也如將士百人則分爲十隊十人爲一隊悉皆持滿而一隊之中三人先發又三人次發又四人次發使矢括相屬無有間斷百人之中常有三四十矢連次繼發而前射者又復湊矢循環無窮使賊無隙可乘且前發者恃後發者爲固後發者恃次發者爲衛則可以心無懼惻而發矢必審中賊必多此一兵而長短皆備所謂長兵短用者然也我兵雖無他技而控弦之士不爲不多苟善用之足可禦賊患人不加意耳然迭射之法亦須預習然後可也若不習之則臨賊只依舊亂射而已故不教之兵終不可用也近日我國之人頗習鳥銃者若與弓矢相雜用之則尤妙○其論守城條曰古者守土之臣死於

其土守城之臣死於其城故凡所以守城待變之具自然殫竭心力無所不至得之則生失之則死今則一聞賊至大小之官皆登山入谷左右閃避中開一條大路直欲以賊虜遺君父於身別無大段利害故其於守城之事漫不入思慮一則曰民力不可勞也一則曰無軍可守也一則曰事無可爲也察其真心實意之所在則唯避亂二字橫在肚裏而不可勸勉嗚呼此輩之罪可謂上通於天矣

仁祖元年舍人沈光世疏曰我國兵農不可卒分若欲變通則兩西之兵分爲二十八營每營千人置一別將制兵之規五人爲伍伍有長五伍爲團團有長四團爲哨哨有官五哨爲司司有把摠把摠二人別將領之凡一伍射手一人砲手一人殺手一人防牌一人拒木



一人每有調發欲發千人則別將行欲發五百則把摠行欲發百人則哨官行軍法則伍長死則斬一伍團長死則斬伍長五人哨官死則斬團長四人把摠死則斬哨官五人別將死則斬把摠二人若全軍失利則斬別將以下將官五十三人凡軍一給別將之後則把摠以下令渠自擇汰去無用代充精勇限軍定間勿爲遞易每一入戍以六朔爲限赴防則官給其糧罷防則退耕於家使上下相維脈絡貫通則一有徵發朝呼夕至必無如今日之厭避矣養兵之規則新屬者給復十負成材者給三十負兩長則給五十負哨官則給復一結把摠則給復二結別將則定其品數官給祿俸而分兵之規則一邑數滿一千則單置一將數邑合爲一千則兼置一將擇一閑曠可

合教場之地別設衙門每十日一團入番伺候勿擾本官凡屬軍者給復之外如有餘結者只納大同一應身役永爲蠲減常時則哨官爲小操別將爲大操大將爲合操各竣農隙試其能否主帥以時巡試考其勤慢嚴行賞罰則一舉手而軍制整整矣

五年副提學鄭經世筭曰禦賊之備莫如用砲其力可以及遠其巧可以命中其威聲可以辟易人馬誠使一軍各置砲手三千以爲先鋒則雖強寇無不摧敗宜令下三道擇丁壯有膽氣膂力者兩南各三千五百名忠清道二千五百名江原道五百名摠爲萬名教習而操鍊之則不過旬月皆爲一等妙手矣但欲善其事必利其器而我國鳥銃不能堅緻易破而難中亦宜分定於統制使及慶尙左右兵



增補文獻備考 卷一百二十一  
水使使之措貿倭銃又令萊府發稅銀以貿或遣譯官往貿於對馬島如此多般措置萬柄鳥銃不足辦矣且於武科規矩中令取鳥銃三發二中以上則國俗重科舉必將爭起而習之此亦勸獎之一道也

十四年大提學李植疏曰古者國有大變則有遍境出兵之法高麗士大夫亦從軍禦賊今依倣古制參酌人情以公卿以下無一人不從軍爲大律然後正三品以上則稱爲將帥從六品以上則稱爲將官秩七品以下則稱爲朝士軍儒生稱儒生軍武學稱武學軍雜職諸衛市民胥吏典僕各以其類爲號則公私賤遊手閑民自當現出添編其額而無所匿矣如是然後時在職者除征在役使者除征父

子同籍則父除征兄弟同籍則兄除征而三人除一六人除二奴子仰役者爲限數除征老病廢疾者除征又就其中自士大夫至胥僕雜職之類募兵不欲爲兵者定數納物而免其征役者給除征帖免征者給免征帖兩班則移送驍健隊民丁則移送禦營軍京中則或備扈從或備留營外方則保守鄉里禁戢叛盜其編束之務京則漢城府與五部官掌之外則監司守令掌之不宜別立曹局以資奸濫也且以免稅所納者留儲於各其府縣該司勾管出入大數以爲養兵之費其亦庶乎有用矣

十八年副提學李敬輿上疏曰諸道山行砲手不屬軍伍者甚多此輩之日盛似關於氣數若盡爲國用則大善矣或散亂不收轉藉寇



增補文獻備考 卷一百二十一  
盜則大不幸也臣意宜令各邑嚴加查括凡以銃技行獵而姓名不載軍籍者皆論以重律則御軍可以漸廣而閩帥邑宰亦可得牙兵爲用矣

孝宗九年掌令許穆疏曰兵者制變之大務也國家舊制無不詳密置節度使次有鎮管節制次有都尉統領不亂將士相安今不勉勵其怠慢而置營將別立衙門將多則令不專令不專則臨賊必敗此兵忌也又主客猜貳軍情多怨上下不協此樹無益害有益也

柳馨遠曰若監司宜有牙兵則量定其數或百人或二三百人以附營邑束伍軍割爲牙兵如束伍鍊習以待之不可如今散處列邑只事收布也然監司實摠兼節度不必有別色私兵若謂臨警

節度使領兵赴戰監司居守本道亦不可無兵則在其時勿分營邑安坐自領待變亦無不可若干牙兵本無益於事而名色多端實軍政之大害也監營牙兵可罷無疑而至於列邑則尤無可論也大槩牙兵本舊制所無而近來添設者也

顯宗十二年判中樞宋時烈疏曰今年諸邑軍保物故者甚多若如常時之必待其代定然後免其徵布則其隣族決不可支保必須亟下德音使列邑不待代定而除其徵布只徵於其見存者則殘民之蒙惠實深矣然其查出死生虛實亦全在吏人之操縱而今年則其流離而死者甚多誠難究核其虛實而雖其在家亦無檢尸立案之規則吏人之欺瞞何可勝數必須別遣御史明加詳覈如有以死爲



生以生為死者一以軍律從事則吏人或有所畏忌而民不呼冤矣  
又曰我國軍兵三南不可用惟西北可用男丁自力能勝銃時皆  
使習放則其藝皆妙矣又西北女人健捷絕人皆使習砲於戲場  
則其藝必妙矣雖不可用於戰場使之守城則不下於男丁矣  
南九萬啓曰黃海道各邑戊午丁卯丙子年戰死軍兵自兵曹至今  
徵布凡死於王事者宜蒙旌表恤孤之典而非徒不然反徵役布於  
沙場之朽骨乃至四十七年之久而不除請永除其名於都案中從  
之  
肅宗七年知經筵李端夏袖進故判書閔應亨己亥年間疏陳減兵  
額之言且讀且達曰變通兵制事臣亦屢陳而國家歲入僅十二萬

石而八萬石專歸於養兵之需使國用常匱而無用之卒坐費糜料  
天下寧有是理又讀應亨所陳外方兵政積弊之說曰束伍兵通計  
為二十餘萬殊不精鍊軍裝辦備之際多賣田業不能料生今若擇  
其丁壯為實兵而汰其餘為保則皆當為精兵雖有外寇以此可以  
備禦有事則畿輔諸鎮兵可以朝令夕發若其常時輦轂宿衛之兵  
則以親臣領之不過數三千足矣今者雜色軍兵屬於扈衛者殆近  
一萬國家明知其養此無用之卒耗竭國力而猶不變通臣每中夜  
憂歎不能寐也左議政閔鼎重曰應亨在 孝宗朝屢以減兵額之  
意陳達而自 上以兵為重故不得變通今則惟在 上心之自斷  
耳壬辰以後輦下訓局兵額不過三千至于今日漸至增益又有馬



增補文獻備考 卷一百二十一  
兵旗手御營軍等名額滿十三番雖略有減罷而五千兵則恒留輦下矣今當自上酌量定其堪爲宿衛之數然後汰減其餘軍制既變通則地部經費自可不乏兵貴其精何必以多爲務國家歲入過半歸於軍食而經用常乏不得不取民無制端夏言是也○時諸道陳弊狀啓皆以諸軍門牙兵之弊爲言左議政閔鼎重筵白以爲守禦使則旣計南漢守堞而定其額數今難減罷云摠戎廳可減其牙兵仍以所減之兵爲軍保請令本軍門商量稟處至是摠戎廳請排日招集各邑所在牙兵十六哨於京廳抄擇其壯者六哨其餘降定保人以爲元軍上番時口糧之資額外贏餘則永爲革罷從之八年令兵曹及勳府查正冒屬忠義兵曹判書南九萬清城府院君

金錫胄相議設廳查出過四五年李師命繼掌其事又周一年始得畢查趙宗著上疏以爲查正郎廳家有投火者此必出於冒屬輩請罷其查以息其怨且有詈辱於九萬之先壠者領議政金壽恒筵奏以爲因此疏罷此事則傷國體損國威今後何以措一事於國中耶設令查事當罷此言旣發之後決不可罷從之


十四年成鏡道御史李萬元啓古今天下以馬兵名者莫強於胡騎自古以步當之者惟李陵荆楚勇士而猶不免爲降虜以騎當之者惟有霍去病一人而周詩日出車彭彭衛青之擊胡以武剛車爲左右翼周漢之制胡騎亦不能專用騎兵也况我國騎兵最爲無用平原易地何可以敵胡之鐵騎也然馬兵於軍中或爲威儀或用追趕



所不可無者則騎不可廢而亦不可專尚也

又曰以制勝方略參考古昔制置之意則昔之所謂番胡其部落多不過數十戶小則三四戶而常時服從有同編戶有時梗化其志亦不在於關土地爭強弱不過貪得貨財抄掠人畜而已或朝至而夕返夕聚而朝散是以當初沿江設邑且置列鎮此邑有變則彼邑救之彼鎮有變則此鎮救之聲勢相倚有同輔車且就六鎮之中建置行營隨其有變互相應接此六鎮所以設而士皆習戰輕易北敵雖以數百之卒能當千萬之師矣今則形勢大異於前日後若北邊有變則必非前日抄掠之比而六鎮邑堡皆在沿邊與彼地隔一衣帶之水城既不完且在高山壓臨之下決非可守之地而昇平日久人

不知兵地且絕遠王化不及官吏失法怨咨日深以如此之人心如此之地勢少無一分可恃之道而彼邊樹木葱蔚我國偵探不察彼雖以百萬師犯境必越境到城下然後始覺如此則智不及謀勇不及施守令邊將不降則但授首耳所儲軍器糧餉不過為借齎之資而已言念及此實為寒心自輸城由泰山長谷而行百餘里路有三歧一則茂山嶺也一則車踰嶺也踰茂山而去則抵會寧鍾城穩城慶源等邑而自嶺至會寧之間而亦有六十里長谷踰車嶺而去則抵茂山而亦多山谷險阻之處一路則自慶興遵海而南達于輸城非但北路最迂僻且險敵之犯境必在慶源穩城之間而舍茂山嶺則實無他路以此觀之茂山嶺即六鎮之咽喉也嶺雖不峻內外數





增補文獻備考 卷一百二十一  
百里長谷足以爲守亦可以與車踰嶺互相接應臣意則關防之地無過於此也茂嶺之北古有豐山鎮嶺之南有茂山鎮皆置萬戶蓋其意設鎮於嶺阨之城六鎮失守則以爲退保之所而內外接應之計也古人制置之意可謂密矣而茂山鎮中移於車輪之外陞爲僉使復移於江邊而陞爲府使茂山陞府之後豐山又移於惠下茂山之間以爲江邊繼站之地而前所設鎮兩處則皆廢棄不守甚可惜也今若復設兩鎮陞爲僉使固築城池多實兵糧則必爲緩急之恃兩鎮田卒既移於江邊不必更爲移易六鎮各司奴婢雖收若干貢米實無損益於京司古豐山則募入此類許令免賤則不患不得士卒廢茂山則漁游澗玉運等鎮皆僻在山海之間實無用革此兩鎮

移設於此以爲倚其險阻內外相應相守之地則六鎮中雖有陷城之處敗亡之卒必有依歸之所兵使亦隨時量宜或自行營可以退保或自鏡城可以進住遮遏方來之寇可免長驅之患矣行營亦非城守禦敵之處亦可移設於古豐山而豐山在嶺下長谷之間生穀之士不如今之行營行營之民不但有安土重遷之患猝然移之亦難爲生若先設鎮重其號完其城積儲聚兵以待之使兵使推移往來以爲臨亂制變之地則似可矣 上曰目見形便如是陳達不無意見令廟堂商確處之

備局啓曰鎮堡沿革之宜茂山嶺爲六鎮之咽喉與車踰嶺互相接應則惟天設險允合關防豐山鎮之在北茂山鎮之在南古人制置



意必有在一移再移緣何曲折而坐失天險退處不緊之地果如繡衣所陳則固爲可惜但念關防沿革貴在詳審實難以一時意見率爾裁處亦令道臣與北兵使巡審形便商確啓聞以爲稟處之地從之

二十四年應教金鎮圭啓曰以前代兵制言之唐有府兵宋有禁軍所謂府兵寓兵於農使於農隙操鍊而分番入衛旣無養兵之費民亦知兵故三代以後莫如府兵之最便而禁軍則竭天下之力以養之糜費不貲而坐食廩料驕惰無用故蘇洵書亦言禁軍驕惰之弊矣是以靖康之亂終不得力於禁軍矣我朝則祖宗朝五衛之規廢壞而壬辰以後輒設新軍門而各有異制法旣不一故其弊多端

如訓局之兵則坐費官廩而驕惰無用殆甚於宋之禁軍而荐饑之餘財力空竭勢難支撐此輩若不厚養則不但緩急得力之難以其驕惰之習或不無意外之慮誠可念也至於兵曹所管之正軍則乃反収布而爲經費之需其名實之乖謬甚矣况闕額甚多徵歛於白骨兒弱法制之紊亂如是而何以爲國乎今若欲變通則誠宜一番大加更張釐正以清其源矣向者戶布之法近於唐之庸調若能行戶布以爲經費而兵制亦爲變通略倣唐之府兵則經費庶免空竭而軍制亦可整齊矣第此係大段更張恐難率爾議之而卽今逃故闕額之弊有不可仍循今雖少變通民可以少紓怨苦闕額之勢難充補者逋欠之勢難徵捧者若或減省或蠲除則可救目前之弊矣



請以此從容博詢廟堂諸臣而處之 上曰五營軍門猝難變通而其餘事令廟堂稟處 二十五年領議政柳尙運請京衙門投屬歇役之類搜出以充軍額外方監兵營各營門及州府郡縣計邑大小量事煩簡軍官則先定額數良丁則盡數搜括資補牙兵賜額書院募入以二十名定額未賜額處則不許募入并從之

三十年左議政李世白筵啓臣於良役變通未及知其詳今聞御營軍將減者爲一萬一千臣竊以爲此軍則不可輕減也我國所謂戰兵雖有束伍實非可恃國家以經費三分之二專養都監軍而數至千數難用於出戰惟御營禁衛兩軍之制最善平時則分番入衛臨

亂則徵集出戰其數合爲三四萬若得良將何敵不可禦也國內可用精兵只此而今爲目前之急減其過萬之數實爲非計其中剩額冗雜之類減之亦可而至於精鍊已成之兵決不可減矣吏曹判書李濡曰軍門闕額甚多良丁難得侵及白骨隣族其弊已甚故自上軫念此事特令變通至於罷禁營而無難雖因事多掣肘而還寢今此兩軍門之定制視諸各軍門則有間矣所謂一營亦不過略減其猥雜之數且以其所餘移定逃故之代則白骨隣族之弊庶可從此而少紓故也李世白曰先正臣李珥在壬辰前欲養兵十萬而柳成龍諸人以爲不然及至壬辰成龍始有李文成其聖人之語今日事勢雖難增養新兵已養之兵則豈所可減乎積年團束一朝罷之



增補文獻備考 卷一百二十一  
萬一有用兵時而兵少不足用則悔之何及白骨微布之弊臣豈不慮此軍外可減者尙多宜從其不緊者先減之猶不得則更議此軍可矣今不減他役先減戰兵臣竊爲深慮也李濡曰各軍門軍額無一定之制隨得隨添以致其弊漸滋故欲爲定制而非專出於減額也一軍則似少而稍加其數作爲一營五部之制正軍雜色并幾至二萬則亦不爲不多矣領議政申琬曰所謂禁衛御營兩軍門減除之數雖曰萬餘名多是軍保相雜者豈皆戰卒而又是逃故居半不至過多矣今若還置於當充逃故之數隣族侵徵之弊猶夫前日矣李世白曰古語曰有備無患若有備而無患則固幸矣萬一有患而無備則其將奈何都監養兵之弊言之已久而難於卒革至於禁御

兩軍臣竊以爲緩急終必得力不宜輕減其中逃故之類雖姑置之現存之兵則減之可惜一軍一營之制臣姑未詳而今日國勢戰兵則雖少難減良丁難得之弊專由於民役不均卽今救弊之策莫先於講究均役之道矣李濡曰四萬之兵固已不少而保人并計則殆至二十萬生民疾苦盖出於此矣以畿內大將只有萬餘兵今此兩軍門所屬至於二十萬而又不可減則無處着手實無變通之路矣上曰大臣縷縷所達非不顧民弊也實出於爲國深慮從容相議爲之可也

以軍丁逃亡之代一自五年爲限之後頑吏奸民輩倖其減年相與符同以存爲逃圖出公文要待其五年之限故避役之弊日益滋甚



依前以十年爲限事定奪  
吏曹判書李濡筵啓賣爵募粟出於荒歲萬不得已之舉而在前則  
受帖者只閑其身元無軍役免除之事矣丙辰年間因湖西監賑御  
史啓達始狃勿侵軍役之例當此良丁難得之日不過納數石之米  
而得免軍役則實非朝家軫念白骨隣族之弊自今一依舊例良人  
之受通政帖者勿使免軍役宜當從之

崔錫鼎曰凡鎮管之法守令各摠其軍如漢時郡國之兵隸於主  
鎮大牧敵入其境則官吏率衆而禦之嬰城而守之今則不然執  
父赴戰之卒只是束伍而別設營將以統之隸于兵使是以守令  
有同僉鎮管之名而無其實脫有邊警無一親兵不過望風奔潰

而已壬丙之事今可爲鑑臣意以節制大牧爲主將所管各邑爲  
屬將使之各率其兵罷營將而置中軍廩給視營將減半如是則  
外方軍制自有管轄可爲緩急之用或曰軍旅非武將則不可臣  
以爲苟得人則平日愛養之效臨急得力豈必文吏讓於武人哉  
中軍另擇名武則兼有用武之實又宜除出三南六七雄府以爲  
武窠俾作節度階梯則有勝於營將之客官矣

英祖二年金祖澤筵啓朝家之最難處者良役而良丁之難得實由  
於色目之浩多或止接於怙恃鄉品之離下或假托於牧子或冒入  
於院宇及各廳保奴或圖屬校案或冒屬軍官或有驛保案外亦將  
完文憑藉免役者或避入各島之無官長處任自閑遊此等奸弊人



增補文獻備考 卷一百二十一  
無不知而爲守令者以侵徵隣族視若例規搜括閑丁恐招怨謗舉  
懷身謀徒事姑息此已寒心而尤有駭然者臣曾於嶺南謫行時見  
十歲兒削髮緇冠者家家有之恠而問之則曰畏避軍役又問旣爲  
僧則何不上寺云爾則曰只爲避役不必往寺云矣及按本道春秋  
巡歷時所見亦如此於斯可知軍役之苦重而良丁之難得矣臣誠  
迂濶於事務而不無愚見敢此仰達僧人之使受度牒先輩已多言  
之而終不得行之先輩豈無所見而然臣意則以爲使僧徒皆受度  
牒而收作木一匹則亦可代逃故之徵納且爲令甲雖削髮無度牒  
者直充軍役則一以防爲僧避役之弊一以紓隣族侵徵之患矣  
上曰僧徒度牒事其議固已久矣身體髮膚受之父母孰肯剪去其

髮只爲身役之圖免以至於剃髮爲僧情亦憾矣而又從受作木給  
度牒則是豈非尤爲矜憐處乎爲守令者能體國奉職則可使民生  
得免身役之偏重而此等弊亦可以自無矣自廟堂各別申飭於道  
臣使之無擾於簽丁之時可也

十年 上御崇政門行朝參召五部父老詢問民弊有以京騎兵之  
弊爲言者 上以問京兆之臣左尹李普赫對曰京騎兵之名始自  
國初戶額爲一千而保人爲三千其戶在京其保在鄉蓋無論戶保  
并收布二疋以備京中諸處役軍雇價自設各軍門以來良丁無以  
填補侵督充定之際都民自爾騷擾也 上曰王者爲民豈可聞其  
弊而不之恤乎京騎兵名目自今革罷亟令備局變通區處



全羅監司趙顯命疏曰我國人物名色甚繁其中以良民稱者甚不多而追設之軍門既多不緊之兵額日滋以不多之良民充日滋之兵額其勢固已難矣且夫良役二疋本非苦重行之百年民未始以爲病也自私募之門廣而一疋之役出則一疋與二疋輕重苦歇懸殊故民始知所趨避智者用其詐富者用其資相率而入其中而良民日益縮矣於是老弱貧賤混同見充而逃故雜項不以時代定此隣族白骨之徵所以生也匹夫匹婦晝耕夜織艱以應已役而東西隣比之責內外族親之督又紛然四面而至民安得不窮且逃也昔之逃者貧今之逃者富富而且逃況其貧者乎於是民之視二疋良役如蛇虎詰其實則非以二疋爲苦也所苦者乃其二疋外加徵數

倍者而議者不察以爲一疋可減也不亦踈乎救此之術無他革罷追設之軍門減損不緊之兵額別塞京外投入之淵藪復度僧之法申漏籍之禁則良丁足而隣族之徵不行矣

十八年查正堂上徐宗玉奏曰忠義衛皆是勳臣嫡長曾在 肅廟朝收議于廷臣儒賢與大王孫一體定爲九代其後又改以五代將何適從乎 上問于大臣領議政金在魯以爲宜從近規 上曰今者諸臣之裔後來安知不免軍役乎事宜從厚勳臣後裔依 先朝下教定以九代

二十二年 傳曰唐程名振襲鄴閩婦人乳有漣者九十餘人皆縱遣之心以爲是聞御史陳達外方有孕婦成冊之事云乃今初聞噫



名振不過唐將而縱遣婦人乳湏者爲人君方惻然其黃口簽丁而豈料吾民腹中之兒陰陽莫下而遽登於軍丁成冊乎此非徒不可使聞於他國聞來不覺惻傷于心噫念其黃口矜惻其被丁者之莫能知覺也彼腹中之兒尙在胎中不及見於世而致錄於成冊中是豈王政之所忍其爲守令而犯之者奚間於作傭者乎令備局嚴飭諸道令前有成冊令道臣即取交周令後所犯者隨現狀聞繩以重律當該里任亦爲嚴刑遠配斷不饒貸之意定式施行

三十年金尙魯

時左議政

所達八路守令本無手下親兵吏奴作隊之法

自戊申亂後成節目而始行之可謂善成法矣外方狃於昇平習於姑息殆不知吏奴作隊之爲何制故如軍裝器械及鍊習等事置之

相忘全不留意事關軍制誠極寒心令道臣嚴飭守令依當初頒下節目親行私操而雖有故一月一次毋得廢閣且法之不行自上犯之如使監兵營爲各邑倡則各邑之慢忽豈至此乎諸營一體舉行之意分付各道何如領議政李天輔曰吏奴作隊誠是好法雖以近來賊害言之外方竊發之患漸益熾盛大村大剝亦被劫掠所聞甚驚愕安知前頭不犯邑府乎吏奴作隊之法另加修舉則常時有防備之道臨亂爲緩急之用各別申飭好矣從之

李瀛曰若使鄉兵略倣伍兩卒旅之制各就里中逐戶編行擇其才力者爲長爲帥蠲其庸調雜役使之限年準備兵器其難辦者官授之以農隙相率隸技秋而閱武厚賞其才能拔類者賤隸則



官出價免爲良丁良丁陞爲隊長哨長隊長哨長亦方便升位而  
施賞如例則兵練而事濟矣小司徒之職凡起徒役無過家一人  
惟田與追胥竭作追胥追寇賊也竭作盡行也其防盜之密如此  
又別立制其有打劫寇賊能用智計兵器擒獲攘逐者或官或財  
皆有定式惟民之願欲則可使鄉閭帖靜而武備蔚興矣又曰大  
索約訓局馬步兵五千二百餘而馬兵七百十四名除西北二道合  
六道砲保餉保合四萬四千名也御營標下軍別破陣合一千八  
百餘鄉正軍一萬六千七百餘而六道米布保四萬九千餘禁營  
標下馬兵七百二十六鄉正軍一萬六千三百餘保亦一萬六千  
三百餘保者納米與布爲軍需者也古者養兵責之田賦未聞更

有納米而爲餉者也其長從之待哨亦似宜然禁御之番休亦各  
有保何也無已則寧不若盡驅爲兵迭爲其保則國無所失民亦  
不怨而軍額頓增耳以兵餉兵立制之失也苟一以田賦充其衣  
糧豈有不足之理善變者以漸不驟專以損上爲意庶幾得之  
又曰今之束伍高麗之奴隸軍也高麗又有三別抄後二別抄叛  
金方慶引元兵三年始平又有兩班別抄意者寒士之無蔭不文  
者充額如越之君子軍也高宗十九年蒙兵至忠州議城守副使  
于宗柱率兩班別抄別官庾洪翼率奴隸軍及雜類別抄及寇至  
宗柱洪翼與兩班別抄皆棄城走惟奴隸雜類合力擊逐之事定  
謀殺奴隸軍奴隸軍覺之作亂撫諭僅定意者賤人善力作而畏




死之心較輕為士者喜詐緩而悅生之心常重故危難得力在此

不在彼也今之束伍如撫養有術他日可恃莫此若也顧待之不

以人理任事私門百端役使縱其酷害官從而助其威勢何其謬

哉



增補文獻備考卷之一百二十一

明治四十四年八月



